


津逮秘書

蕉氏易林



庫文閣內	
三七一函	三六〇冊
四架	一七八號
	類

十三

17

內閣文庫	
番號	漢 3160
冊數	178 ( 17 )
函號	371 2

第二集



焦氏易林卷之二

觀之第二十

觀 歷山之下虞唐所處躬耕致教名聞四海為

堯所薦禪位天子

唐當作舜

乾 蛎飛蠕動各有所配歡悅相迎咸得其處

坤 繼祀宗邑追明成康光照萬國享世久長病

疾不醫下即蒿蘆

此句疑衍

屯 秋冬採巢不得鵲雛銜指北去媿我少姬

蒙 僮妾獨宿長女未室利無所得

需 洪魚逆流至人潛去蒿蓬代柱大屋顛仆  
訟 日闇不明讒夫在堂右臂疾痺君失其光  
師 王孫季子相與孝友明允篤誠昇擢薦舉爲  
國榦柱

比 麟趾龍身日馭三千南上蒼梧與福爲婚道  
理平易安全無患

小畜 三子成駒折損轅軸輪載空輿後時失期  
履 逐福除患道德神仙避惡萬里常歡以安  
泰 黃池之盟吳楚爭強句踐爲患夷門不安探

穀得螽所願不喜

否 青牛白咽呼我俱田歷山之下可以多耕歲

藏時節人不安寧

呼我句一作  
招我于田

同人 有頭無目赫赫粟粟

一作不  
見菽粟

消耗爲疾三

年不復

大有 山沒丘浮陸爲水魚燕雀無巢民無室廬  
謙 高岡鳳凰朝陽梧桐雍雍喈喈奉奉萋萋陳  
辭不多以告孔嘉

豫 鰥寡獨宿憂動胸臆莫與笑食

隨 躓馬破車惡婦破家青蠅汙白恭子離居  
蠱 長女二嫁進退無羞逐狐作妖行者離憂  
臨 人無足法緩行長姦地雄走歸陽不制陰男  
失其家  
噬嗑 茹芝餌黃飲食玉英與神流通長無憂凶  
賁 東行無門西出華山道塞於難遊子爲患  
剝 壽如松喬與日月俱常安康樂不罹禍憂  
復 探藪得螽所願不喜黃池之盟吳楚爭強句  
踐爲患夷門不安

无妄 螭螺生子深目黑醜雖飾相就衆人莫取  
大畜 喜怒不時霜雪爲災稼穡無功后稷飢寒  
頤 鳥升鵲舉照臨東海危降庭堅爲陶叔後封  
爲蓼丘履祿綏厚

大過 黃離白日照我四國元首昭明民賴其福  
坎 黍稷醇醲敬奉山宗神嗜飲食甘雨嘉降獨  
蒙福力時災不至

離 禍不更生福過我里入門笑喜與吾利市  
咸 晝臥牢門休惕不安日不得闔鬼搔我足

恒 春早榮華長女宜夫受福多年世有封祿  
遯 雍門內崩賊賢傷仁暴亂狂悖簡公失位  
大壯 心壯無良猖獗妄行觸抵墻壁不見戶房  
晉 膠車秣馬不利遠賈出門爲患安止不危  
明夷 家在海隅繞短流深企立望家無木以趨  
家人 冬桑枯槁當風快道蒙被塵埃左右勞苦  
睽 過時不行妄逐王公老女無夫不安其居  
蹇 履泥污足名困身辱兩仇相當自爲痛疾  
解 精華墮落形容醜惡齟齬挫頓枯槁腐蠹

損 長生無極子孫千億松柏爲梁堅固不傾  
益 去辛就蓼毒愈酷甚避井入坎憂患日生  
夬 行堯欽德養賢致禮衆英積聚國無寇賊  
姤 狗逐兔走俱入谷口與虎逢之迫不得去  
萃 望尚阿衡太宰周公藩屏湯武立爲侯王  
升 清人高子久屯外野逍遙不歸思我慈母  
困 三虫作蠱削跡無與勝母盜泉居不安處  
井 獮作龍身進無所前三日五夜得其所欽  
革 黃裏綠衣君服不宜淫酒毀常失其寵光

鼎 天所顧佑禍災不到安吉無懼

震 盤紆九回行道留難止須千丘乃睹所歡

艮 暴虐失國爲下所逐北奔陰胡主君旄頭

漸 御駢從龍至霍華東與禹相逢送至子邦

歸妹 銅人鐵距雨露勞苦終日卒歲無有休息

豐 大夫失宜盈滿復虧成長之木盛者滅衰

旅 梅李冬實國多盜賊亂擾並作王不能制

巽 澤枯無魚山童難株長女嫉妒使身虛空

兌 天門冬虛晉季爲災臚睽默蒼秦伯舜殃

渙 褰衣涉河水深漬衣幸賴舟子濟脫無他

節 推車上山高仰重難終日至暮不見阜顛

中孚 鼎易其耳熱不可舉大路壅塞旅人心苦

小過 四亂不安東西爲患退身止足無出邦域

乃得完全賴其生福

既濟 班馬還師以息勞疲役夫嘉喜入戶見妻

未濟 積德不怠遇生逢時載善一作喜渭陽身受

榮光

噬嗑之第二十一

噬嗑 麒麟鳳凰善政得祥陰陽和調國無災殃  
乾 北風相牽提笑語言伯歌叔舞燕樂以喜北  
風牽手

坤 甲戌巳庚隨時運行失常節咸逢出生各  
樂其類達性任情

屯 破亡之虛神所憂衰進德無光留止有慶  
蒙 注斯膏澤祈衛百毒防以江南虺不能螫  
需 日月相望光輝盛昌三聖成功仁德大降  
訟 大蛇巨魚戰於國郊上下濟塞衛侯廬漕

師 龍入天關經歷九山登高上下道里險難日  
晏不食絕無甘酸

比 沙漠北塞純無水泉君子征凶役夫力殫

小畜 關柝開啓衿帶解墮福與善生憂不為禍

履 狼虎所嗥患害必遭不利有為宜以遁逃

泰 金精耀怒帶劔過午兩虎相距弓弩滿野雖  
憂無咎

否 朽根枯樹華葉落去卒逢火焱相隨偃仆

同人 入和出暗動作有光轉運休息常樂允康

大有 國多忌諱大人恒畏結口無患可以長存

謙 天地淳亨六合光明陰序陽順厥功以成

豫 裸裎逐狐為人觀笑牝雞鳴晨主作亂妖

隨 陰失陽復桀失其室相餒不食

蠱 蚩飛蠢動各有配偶大小相保咸得其所臨

豫

臨 鬼守我廬欲呼伯去曾孫壽考司命不許與

生相保

觀 禍走患伏喜為我福凶惡消亡災害不作

賁 智不別揚張誑妄行陷淵仆顛傷殺伯身

剝 凶憂災殃日益明章禍不可救三都夷傷

復 長尾蛟蛇畫地為河深不可涉絕無以北悵

然憤息

无妄 受我嬰女牽引不與冀幸高貴反曰下賤

大畜 鳧遊江湖甘樂其餌既不近人雖驚不駭

頤 明滅光息不能復食精魂既喪以夜為室

大過 奇適無偶習靜獨處所願不從心思勞苦

坎 葛藟蒙棘花不得實讒佞亂政使忠壅塞



離 鵲笑鳩舞來遺我酒大喜在後授我龜紐龍  
喜張口超拜福祉

咸 搖尾逐災雲夔辟除滄泥生梁下爲田主  
恒 白鶴銜珠夜食爲明膏潤優渥國歲年豐  
遯 內執柔德止訟以默宗邑賴德禍災不作  
大壯 犬吠驚駭公拔戈起玄冥厭火消散瓦解  
晉 公悅姬喜子孫俱在榮譽日登福祿來處  
明夷 鳥鳴捕穀長欲飛去循枝上下適與風遇  
顛 損樹根命不可救

家人 析薪爇酒使媒求婦和合齊宋姜子悅喜  
睽 隣不我顧而望至女身多疣癩誰當媚者  
蹇 遠視無光不知青黃黓纒塞耳使君聞聾  
解 尅身整已逢禹巡狩賜我玄圭蒙受福祐  
損 遠望千里不見黑子離婁之明無益於光  
益 斧斤所斫瘡痍不息鍼口不施下卽空室  
夬 齊侯少子才略美好求我長女賤薄不與反  
得醜陋後乃大悔

姤 失儷後旅天門地戶不知所在安止无咎

萃 烏孫氏女深目黑醜嗜欲不同過時无咎  
 升 伯駕純騮南至東華求索車馬道闕中止  
 困 二女寶珠誤鄭大夫君父無禮自為作笑  
 井 陽城太室神明所息仁者之君獨無兵革  
 革 反一作大蛇為殃使道不通歲收甚少年穀敗  
 傷

鼎 三足孤鳥靈明為御司過罰惡自殘其家毀

敗為憂坎之

震 車駕兩鞞絕馬欲步雙輪脫行至道遇害膠

乃駕兩引如繩馬  
 絕鞞走雙輪脫去

艮 鬱映不明為陰所傷眾霧麗集共奪日光  
 漸 鸛鳩鳴梟治城禦災周公勤勞綏得安家  
 歸妹 名成德就項領不試景公耄老尼父逝去  
 豐 一夫兩心岐刺不深所為無功求事不成  
 旅 羿張烏號殼射天狼趙國雄勇敗於滎陽  
 巽 東家殺牛汚臭腥臊神皆西顧命衰絕周  
 兌 火起我後喜炙吾廬蒼龍銜水泉喫屋柱雖  
 難無咎

渙 桃雀竊脂巢於小枝搖動不安為風所吹寒  
心飄搖常憂殆危

節 徒足去域飛入東國有所畏避深藏遠匿

中孚 璫英朱草仁政得道鳧鷖在渚福祿來下

小過 陳蔡之厄從者飢瘦明德上通憂不為凶

既濟 春桃生花季女宜家受福多年男為邦君

未濟 徑邪賊田政惡傷民夫婦呪咀泰山覆顛

賁之第二十二

賁 仁政不暴鳳凰來舍四時順節民安其居

乾 八口九頭長舌破家帝辛沉酒商滅其墟

坤 鬼守我門呼伯入山去其室家捨其兆墓

屯 日出阜東山蔽其明章甫薦履箕子伴狂

蒙 戴盆望天不見星辰顧小失大福逃墻外

需 兩輪日轉南上太阪四馬共轅無有重難與

語笑言

訟 羊驚狼虎聳耳羣聚行旅稽難留連愁苦

師 梗生荆山命制輪班袍衣剝脫夏熱冬寒飢

餓枯槁衆人莫憐

比 鳥飛無翼兔走折足不常其德自為羞辱  
 小畜 條風制氣萬物出生明庶長養花葉壯茂  
 履 坤厚地德萬物蕃息平康正直以綏大福  
 泰 昂畢附耳將軍乘怒徑路隔塞燕雀驚駭  
 否 東風啓戶黔啄翻舞各樂其類咸得生處  
 同人 兩足四翼飛入家國寧我伯姊與母相得  
 大有 歲暮花落陽入陰室萬物伏匿歲不可得  
 謙 釋然遠咎避患高阜田獲三狐以貝為寶君  
 子所在安寧不殆

豫 遷延卻縮不見頭日日以困急  
 隨 秋隼冬翔數被嚴霜雄犬夜鳴家擾不寧  
 蠱 班馬還師以息勞疲役夫嘉喜入室見妻  
 臨 老楊日衰條多枯枝爵級不進遂至摧墮  
 觀 順風吹火牽騎驥尾易為功力因懼受福  
 噬嗑 六人俱行各遺其囊黃鵠失珠無以為明  
 剝 依叔墻隅志下心勞楚王晨食韓子低頭  
 復 三牛生狗以戌為母荆夷上侵姬伯出走  
之坤

震需之訟  
 否之姤

无妄 鶴盜我珠逃於東都鵠起追求郭氏之墟  
不見蹤跡反為禍災

大畜 外與中退舉事不遂舖糜毀齒失其道理  
頤 鴻鵠高飛鳴求其雌雌來在戶雄哺嘻嘻甚  
獨勞苦炮鼈膾鯉

大過 褰衣涉河水深漬衣幸賴舟子濟脫無他

觀之  
渙

次 虎齧龍指泰山之崖天命不佑不見其雌  
離 明不處暗智不履危終年卒歲樂以笑歌

咸 三足俱行傾危善僵六指不便恩累弟兄樹  
柱闕居失其正當

恒 舍車而徒亡其駮牛雖喪白頭酒以療憂  
遯 析薪熾酒使媒求婦和合齊宋姜子悅喜

大壯 夜視無明不離商賈子反笑歡與市為仇  
晉 徒行離車冒厭泥塗利以休居

明夷 作室山根人以為安一夕崩顛破我壺餐  
家人 東山西山各自言安雖相登望竟未同堂  
睽 君子在朝凶言消去驚駭逐狼不見雄英

蹇 輶輶慎慎一作輶火燒山根不潤我隣獨不

蒙恩

解 南山之蹊其所遊德配唐虞天命為子保

佑歆享身受大慶

復之比 否之豫

墳 龍蛇所聚大小來處決決需需淡淡磳磳使

我無賴

益 旃裘若闔慕德獻服邊鄙不棟以安王國

夬 光體春成陳倉雞鳴陽明失道不能白守消

亡為咎

大有 之井

姤 下泉苞稂十年無王荀伯遇時憂念周京

一無

作九蠱 之歸妹

萃 仁德不暴五精就舍四序允釐民安其居

升 隨和重寶眾所貪有相如睨柱趙王危殆

困 鳳生五雛長於南郭君子康寧悅樂身榮

井 二人為旅俱歸北海入門上堂拜謁王母勞

賜我酒女功不喜

革 逐憂除殃洿泥生梁下田為王

鼎 東門之墀茹蘆在阪禮義不行與我心反

震 鳧遇稻蘆甘樂麤鱗雖驅不去

艮 清人高子久屯外野逍遙不歸思我君母公

子謁請王孫嘉許

漸 讒佞所言語不成全虎狼之患不為我殘

歸妹 張羅捕鳩鳥麗其災雌雄俱得為網所賊

剝之歸妹

豐 安仁尚德東隣慕義來安吾國

旅 猾醜假誠前後相違言如鼃咳語不可知

巽 懷璧越鄉不如遠行蔡侯兩裘久苦流離

兌 伯氏歸國多所恨惑車頓蓋傾身常驚惶乃

得其願雌雄相從

渙 火石相得乾無潤澤利少囊縮

節 君明聖哲嗚呼其友顯德之徒可以禮仕

中孚 騎豚逐羊不見所望徑涉虎廬亡豚失羊

乾之蹇

小過 玄黃虺隤行者勞罷役夫樵悴處子狼衰

既濟 右手掩目不見長叔失其所得悔吝相仍

未濟 免冠進賢步出朝門儀體不正賊孽為患

否之  
兌

剝之第二十三

剝行觸大諱與司命忤執囚束縛拘制於吏憂

人有喜中孚  
之震

乾 穿胸狗邦僵離旁春天地易紀日月更始師

謙

坤 從風縱火荻芝俱死三害集房十子中傷

屯 北山有棗橘柚所聚荷囊載擔香盈筐篚

蒙 齋金贖狸不聽我辭繫於虎鬚牽不得來否

革需之睽震  
之咸巽之需

需 上下惟邪寡婦無夫歡心隔塞君子離居

訟 二人輦車徙去其家井沸釜鳴不可安居復

旅

師 蹇驢不才駿驥失時筋力勞盡罷於沙丘履

巽

比 明傷之初為穆出郊以讒復歸名曰豎牛剝

亂叔孫飫於空丘

小畜 天火大起飛鳥驚駭作事不時自為多咎



履 土與山連其保歲寒終無災患萬世長安

泰 日出阜東山蔽其明章甫薦履箕子佯狂之賁

屯

否 龍馬上山絕無水泉喉焦唇乾口不能言之乾

訟

同人 雄處弱水雌在海濱將別持食悲哀於心

大有 庭燎夜明追嗣日光陽軟不至陰雄生戾

謙 三婦同夫忽不相思志恒不愁顏色不怡

豫 鶴盜我珠逃於東都鵠怒追求郭氏之墟不

見武跡反為患災豫之明夷

隨 沐猴冠帶盜在非位眾犬共吠倉狂蹶足

蠱 黍稷禾稻垂畝方好中旱不雨傷風病槁

臨 雄聖伏名人匿麟遠走鳳飛北亂禍未息中孚

損之

觀 三母多福天祿所伏居之寵光君子有福

噬嗑 被服文德升入大麓四門雍肅登受大福

賁 褰裳涉河水流漬衣幸賴舟子濟脫無他之觀

過坤之萃

復 班馬還師以息勞疲役夫嘉喜入戶見妻之觀

既濟賁之蠱

无妄 東隣嫁女為王妃后莊公築館以尊王母

歸于京師季姜悅喜

大畜 百足俱行相輔為強三聖翼事王室寵光

屯之履晉之坤遯之復

頤 危坐至暮請求不得膏澤不降政戾民忒之泰

離需之頤漸之坎

大過 百川朝海泛流不止路雖遼遠無不到者

坎 乘騶駕驪東至于濟遭遇仁友送我以資厚

得利歸

離 禮壞樂崩陰請不當成子傲慢為簡生殃欲

求致理力疲心爛

咸 一人輦車乘入虎家王母貪饕盜我犁牛

恒 羊頭兔足少肉不飽漏囊敗粟利無所得之渙

艮

遯 新田宜粟上農得穀君子懷德以千百福之恒

離

大壯 夷羿所射發輒有獲雙鳧俱得利伐王國  
 晉 鳧舞鼓翼嘉樂堯德虞夏美功要荒賓服  
 明夷 登丘上山對酒遇歡終年卒歲優福無患  
 家人 歲暮花落陽入陰室萬物伏匿藏不可得  
 睽 螟虫為賊害我禾穀簞瓶空虛飢無所食  
 蹇 陽虎脅主使德不通炎離為殃年穀患傷  
 解 四馬共轅東上泰山駢驪同力無有重難與  
 君笑言漁之豐  
 損 牧羊稻園聞虎喧謹畏懼悚息終無禍患隨

漸井之否中孚之小過

益 陽花不時冬實生危憂多橫賊生不能服崑  
 崙之玉取求必得  
 夬 高阜所在陰氣不淋洪水不處為家利寶  
 姤 釋然遠咎避患革害田獲三狐以貝為寶君  
 子所在安寧不殆  
 萃 兩目失明日奪無光脛足跛曳不可以行頓  
 於丘旁亡妾莫逐鬼然獨宿  
 升 鴻飛循陸公出不復伯氏客宿中孚之同人

困 佩玉纍葉無以繫之孤怨獨處愁哀相憂一作

桑方云云

井 載船渡海雖深何咎孫子俱在不失其所

革 鵠求魚食道遇射弋繒加我頸繳縛兩翼欲

飛不能為羿所得

鼎 泥面亂頭忍恥少羞日以削消

震 桑方將落損其黃葉失勢顛倒如無所立一作

佩玉云云

艮 巨蛇大鱗戰於國邦上下隔塞主君走逃之吳

臨

漸 已動死連商子揚砂石胡貉擾軍鼓振吏士

苦

歸妹 張羅搏鳩鳥麗其災雌雄俱得為網所滅

一作二人同行別離持食一身五心亂無所得賁之歸妹

豐 三聖相輔鳥獸喜舞安樂富有二人諧偶

旅 三奇六偶相隨俱市王孫善賈先得利實居

止不移大盜為咎

巽 三人俱行一人言北伯叔欲南少叔不得中

路分道爭鬪相賊

歸妹之中孚

兌 播天舞地擾亂神所居樂无咎言不信誤

渙 坐爭立訟紛紛洶洶幸成禍亂災及我公大過

離之

節 蛇行蜿蜒不能上阪履節安居可以無憂

中孚 隙大墻壞蠹衆木折狼虎爲政天降罪伐

高殺望夷胡亥以斃

小過 陽不違德高山多澤顏子逐兔未有所得

既濟 心多畏惡時恐日懼雖有小咎終無大悔

未濟 衆神集聚相與議語南國虐亂百姓愁苦

舉師征伐別立賢主

復之第二十四

復 周師伐紂尅於牧野甲子平旦天下悅喜

乾 任武負力東征不伏陷履泥塗雄師敗覆

坤 義不勝情以欲自營覬利危躬折角摧頸

屯 懸狃素食非其任失輿剝廬休坐徙居室

家何憂

蒙 鷓鴣娶婦深目窈身折腰不媚與伯相背

需 東風解凍河川流通西門子產陞擢有功

訟 三足俱行傾危善僵六指不便累恩弟兄樹

柱闕車失其正當貴之 咸

師 京庾積倉黍稷以興極其疾至以厭飽食

比 南山之蹊真人所在德配唐虞天命為子保

佑歆享身受大慶貴之 解

小畜 車馳人趨卷甲相仇齊魯寇戰敗於犬丘

坤之 兌

履 十五許室柔順有德霜降歸嫁夫以為合先

王日至不利出域

泰 任力劣薄遠托邦國輔車不僵為癰所傷

否 千載舊室將有困急荷糧負囊出門直北

同人 惡災殆盈日益章明禍不可救三郤夷傷

大有 冠危載患身驚不安與福馳逐凶來入門

謙 虎狼並處不可以事忠謀轉改禍必及已退

隱 深山身乃不殆

豫 卵與石鬪糜碎無處挈瓶之使不為憂懼

隨 五心六意岐道多怪非君本志生我恨悔

蠱 雨雪載塗東行破車旅人無家

臨 尚利壞義月出平地國亂天常咎徵滅亡

觀 東行破車步入范家衡門穿射無以爲主賣

袍續食糟糠不飽

噬嗑 逐金出門并失玉几往來井上甑破缺盆

賁 春孟醴酒使君壽考南山多福宜行賈市秋

梁雌雉所至利喜

剝 持刃操肉對酒不食夫亡從軍長子入獄抱

膝獨宿

无妄 跨牛傷暑不能成畝草萊不墾年歲無有

大畜 南邦大域鬼魅滿室謹聲相逐爲我行賊

頤 噂噂所言莫如我垣歡樂堅固可以長安

大過 堯舜禹湯四聖敦仁允施德音民安無窮

旅人相望未同朝卿

坎 桎梏拘獲身入牢獄髡刑受法終不得釋耳

閉道塞求事不得

離 跖並桀處民困愁苦行旅遲遲畱連齊魯

咸 求雞獲雉買鼈失魚出入均貨利得無餘齊

姜宋子婚姻孔喜

恒 雨師駕駟風伯吹雲秦楚爭強施不得行

遯 仲冬兼秋鳥散飲憂困於米食數驚鸛鷓

大壯 三瓶上山俱至陰安遂到南陽完其芝香

兩崖相望未有枕牀

晉 飛之日南還歸遼東雌雄相從和鳴雍雍解

我胸春

明夷 堯飲舜舞禹拜上酒禮樂所豐可以安處

保我淑女

家人 太乙置酒樂正起舞萬神攸同可以安處

綏我齒兒

睽 白馬駢驅生乳不休富我商人得利饒優

蹇 蹠馬疾步盲師坐御目不見路中止不到

解 春桃萌生萬物華榮邦君所居國樂無憂

損 把珠入口蓄爲玉寶得吾所有歡然嘉喜

益 襦燒袴燔羸剝飢寒病症凍攣

夬 水沫沉浮沮溼不居爲心疾憂

姤 行如桀紂雖禱不祐命衰絕周文君乏祀



萃 蜉蝣戴盆不能上山脚摧跛蹶損傷其頭  
 升 長子入獄婦饋母哭霜降旬甚嚮晦伏法  
 困 求犬得免請新遇故雖不當路踰吾舊舍  
 井 鳥鳴葭端一呼三顛動搖東西危而不安靈  
 符禱祉疾病無患

革 天厭禹德命興湯國祓社釁鼓以除民疾

鼎 陰霧作匿不見白日邪徑迷通使君亂惑

震 猿墮喬木不跛手足握珠懷玉還歸我室

豫蒙之隨

艮 三驪負衡南取芝香秋蘭芬馥盈滿匣匱利

我少姜

漸 春生孚乳羽毛成就舉不失宜君臣相好盜

走奔北終無所悔

歸妹 東行破車還反室家天命訖終無所禱凶

豐 九雁列陣雌獨不羣為醫所牽死於庖人

旅 二人輦車從去其家井沸釜鳴不可以居

從疑

徒作

巽 閉塞復通與喪相逢甘棠之人解我憂凶

兌 賦斂重數政爲民賊杼軸空虛家去其室  
渙 怒非其怨貪如腐鼠而呼鵲鳴自令失餌倒  
被災患

節 簪跌帶長幽思最苦瘠貌少疲以疾病降  
中孚 三人俱行各別採桑蘊其筐筥留我嘉侶  
得歸无咎四月來處

小過 逐鳩南飛與喜相隨并獲鹿子多得利歸  
雖憂无危

既濟 驅羊南行與禍相逢狼驚吾馬虎盜我子  
悲恨自咎

未濟 東隣西國福喜同樂出得隋珠畱獲和玉  
俱利有息

无妄之第二十五

无妄 夏臺羨里湯文厄處臯陶聽斷岐人悅喜  
西望華首東歸无咎

乾 儋耳穿胸纏離勞春天地易紀日月更始蝮  
螫我手痛爲吾毒

坤 慈母之恩長大無孫消息襁褓害不入門

屯 譌言妄語傳相誑誤道左失跡不知郎處  
 蒙 鬱映不明陰積無光日在北陸萬物彫藏  
 需 主母多福天祿所伏居之寵昌君子有光  
 訟 不耕而獲家食不給中女無良長子跛足疎  
 齒善市商人喜  
 師 火起上門不為我殘跳脫東西獨得生完不  
 利出隣病疾憂患

比 持刀操肉對酒不食夫亡從軍少子入獄抱

膝獨宿復之

小畜 鱖蝦去海遊於枯里街巷迫狹不得自在

南北四極渴餒成疾

履 啞啞笑語與歡飲酒長樂行觴千秋起舞拜  
 受大福

泰 登高上山賓於四門士伍得歡福為我根

否 天厭周德命與南國以禮靜民兵革休息

同人 壅遏隄防水不得行火光盛陽陰魄伏匿  
 走歸其鄉

大有 河海都市國之奧府商人受福少子玉石

一作食

謙 東行避兵南去不祥西逐凶惡北逃福生與

喜相逢

豫 東家中女媠母最醜三十無室媒伯勞苦

隨 破亡之國天所不福難以止息

蠱 駢轔羸羸驢日暮失時居者無憂保我樂娛

臨 蝮蝮之側佞幸傾惑女謁橫行王道充塞

觀 三殺五羊相隨並行迷入空澤有谷直北徑

涉六駮為所傷賊

噬嗑 戴喜抱子與利為友天之所命不憂危殆

荀伯勞苦西來王母

賁 織縷未就針折不復女工多態亂我政事

剝 行露之訟真女不行君子無食使道壅塞

復 羿張烏號殼射天狼鐘鼓不鳴將軍振攘趙

國雄勇鬪死滎陽

大畜 延頸望酒不入我口商人勞苦利得無有

夏臺羨里難為復喜

頤 冠帶南遊與喜相期邀於嘉國拜位逢時之坎

井

大過 東西觸垣不利出門魚藏深水無以樂賓  
爵級摧頽光威咸衰

坎 兩母千子轉息無已五乳百雛駢駁驥駒

離 重黎祖後司馬太史陽氏之災離宮悲苦

咸 內執柔德止訟以默宗邑賴福禍災不作

恒 采唐沫鄉邀期桑中失信不會憂思約帶一作

牛驥同堂郭氏以亡國破為墟君奔走逃與之乾師之噬嗑

遯 官成立政衣就缺袂恭謙為衛終無禍尤

大壯 麒麟鳳凰子孫盛昌少齊在門利以合婚

貴人大歡

晉 亂危之國不可涉域機機發發身頓僵覆

明夷 千雀萬鳩與鷄為仇威勢不敵雖眾無益

為鷹所擊萬事皆失

家人 眾神集聚相與議語南國虐亂百姓愁苦

興師征討更立賢主剝之未濟屯之節小畜之豫

睽 顏淵問騫以禮自閑君子所居禍災不存

蹇 三桓子孫世秉國權爵勢上卿富於周公

解 鶴鳴九臯處子失時載土販鹽難為功力

損 方軸圓輪車行不前組囊以錐失其事便還

師振旅兵革休止 二句疑衍文

益 魚擾水濁桀亂我國駕龍出遊東之樂邑尺

賜我樂與生為福

夬 白虎黑狼伏伺山陽遮遏牛羊病我商人

姤 履危不安踈顛我顏傷腫為癥

萃 三人輦車東入旁家主母貪饕盜我資財亡

失犁牛

升 三鶴南飛俱就塘池蝦鱖饒有利得過倍

困 鷹棲茂樹候雀往來一擊獲兩利在枝柯

井 堯舜欽明禹稷股肱伊尹往來進履登堂顯

德之徒可以輔王

革 枯旱三年草萊不生粢盛空乏無以供靈

鼎 方口圓舌為知樞門解釋鈞帶商旅以歡

震 鳧池水溢高陸為海江河橫流魚鼈成市千

里無墻鴛鳳游行

艮 烹魚失刀駕車馬亡錫刃不入魴鯉腥臊

漸 戎狄蹲踞無禮貪饗非吾族類君子攸去  
歸妹 渡河踰水狐濡其尾不為禍憂捕魚遇蟹  
利得無幾

豐 河出小魚不宜勞煩苛政害民君受其患  
旅 偃武修文兵革休安清人逍遙來歸空閒  
巽 九疑鬱林沮溼不中鸞鳥易去君子不安  
兌 搏狷逢虎患厭不起遂至權國與福笑語君

子樂喜

真 狗生龍馬公勞嫗苦家無筐筥折悔為吝

節 嬰孩求乳慈母歸子黃麀悅喜得其甘餌

中孚 有兩赤鷄從五隼操操矢無筈趣釋爾射

扶伏聽命不敢動搖射一作財

小過 伊尹智士去桀耕野執順以強天祐无咎

既濟 逐鹿山西利入我門陰陽和調國無災殃

長子東遊須其三仇二句疑衍文

未濟 龍興之德周武成福長女宜家與君相德

長股遠行狸且善藏

大畜之第二十六



大畜 朝鮮之地姬伯所保宜人宜家業處子孫  
求事大喜

乾 金柱鐵關膠固衛災君子居之安無憂疑

坤 轉禍為福喜來入屋春城夏國可以飲食保

全家室

屯 水暴橫行浮屋壞墻泱泱溢溢市師驚惶居

止不殆與母相保

蒙 虎豹熊羆遊戲山隅得其所欲君子無憂旅

人失利市空無人

需 躬禮履仁尚德止訟宗邑已安三伯無患

訟 江淮易服玄黃朱飾靈公夏徵哀禍無極高

位崩顛失其寵室

師 不虞之患禍至無門奄忽暴卒痛傷我心蒙之

明夷

比 三塗五岳去危入室凶禍不作桀盜堯服失

其寵福貴人有疾

小畜 配合相迎利之四鄉昏以為期明星煌煌

欣喜爽澤所言得償



履三首六身莫適所閒更伏搖動動失事宜箕  
子佯狂國乃不昌

泰虎臥山隅鹿過後胸弓矢設張狷為功曹伏

不敢起遂全其軀得我美章

大有之訟

否麟鳳執獲英雄失職自衛反魯畏昧不起福

祿訖已

同人樂子作殃伯氏誅傷州犁奔楚失其寵光

大有黃帝出遊駕龍乘馬東至泰山南過齊魯

王良御右文武何咎不利市曹

謙齊魯爭言戰於龍門遘怨致禍三世不安

豫道禮和德仁不相賊君子往之樂有其利

隨姬如公姥毀益亂類使我家憤利不得遂

蠱一巢九子同公共母柔順利貞君子不殆福

祿所在

臨崔嵬北岳天神貴客温仁正直主布恩德閔

哀不已蒙受大福

觀三蛆逐蠅陷墮釜中灌沸淹殪與母長訣

噬嗑東山西陵高峻難升滅夷掘壘使道不通

商旅無功復反其邦

賁 常德自如不逢禍殃福祿自來

剝 范子妙材戮辱傷膚後相秦國封為應侯

復 狼虎結謀相聚為儔同嚙牛羊道絕不通病

我商人

无妄 不宜杜公與我爭訟媒伯無禮自令塞壅

頤 上天樓臺登拜受福喜慶大來

大過 三羊上山東至平康黃龍服箱南至魯陽

完其珮囊執綏車中行人有慶

坎 天地閉塞仁智隱伏商旅不行利深難得

離 延陵適魯觀樂太史東隣白顛知秦興起卒

兼其國一統為主

咸 橐戢甲兵歸放馬牛徑路開通國無凶憂

下一

有朽墻難鑿  
疾病難治

恒 牛驥同堂郭氏以亡國破為墟君奔走趨

遯 大尾小腰重不可搖揀撓攘壤臣為君憂湯

火之言消不為患使我復安

大壯 太乙置酒樂正起舞萬福攸同可以安處

保我覲齒

一下有暗空無  
餌不利為旅

晉 飲酒醉酣跳起爭鬪伯傷叔僵東家治喪

明夷 陵險難登澗中多石車馳轄擊重載傷軸

擔負善躓跌踈右足

家人 爭訟不已更相咨詢張李弱口被髮北走

一下有耳順從心躬行至  
仁不須以兵天下太平

睽 心志無良傷破妄行觸墻抵壁不見戶房先

王閉關商旅委棄

蹇 鸛鳩鳴鴉治成御災綏德安家周公勤勞

解 清人高子久屯外野逍遙不歸思我慈母

損 兩虎爭鬪股創無處不成仇讐行解却去

益 天女推牀不成文章南箕無舌飯多沙糖虐

眾盜名雄雞折頸

夬 太子扶蘇出於遠郊佞幸成邪改命生憂慈

母之恩無路致之

姤 寒暑相推一明一微赫赫宗周榮光滅衰

萃 雞狗相望仁道篤行不吠昏明各安其鄉周

鼎和餌國富民有八極蒙祐

升 窓牖戶房通利明光賢智輔聖仁施大行家  
給人足海內殷昌

困 雨雪三月鳥獸飢乏旅人失宜利不可得機  
言解患以療篤難危身復安

井 白鵠銜珠夜食為明膏潤優渥國歲年豐中  
子來同見惡不凶

革 從豕牽羊與虎相逢雖驚不凶

鼎 鳧雁啞啞以水為宅雌雄相和心志娛樂得  
其所欲 大有之歸妹

震 逐狐平原水過我前深不可涉暮無所得

艮 窟室蓬戶寒賤所處千里望烟渙散四方形  
休滅亡下入深淵終不見君

漸 桀紂之主悖不堪輔貪榮為人必定其咎聚  
斂積實野在都邑未來我室

歸妹 倉庫盈億年歲有息商人畱連雖久有得  
陰多陽少因地就力

豐 泰山不然釣鯉失綸魚不可得利去我北 一作  
三人同福以典周國君子安息

旅 童女無媒不利動搖安其室廬待母動憂  
 吳 載風雲母遊觀東海鼓翼千里見吾愛子  
 兌 鴻盜我襦逃於山隅不見其迹使伯心憂  
 渙 夜視失明不利遠鄉閉門塞牖福為我母  
 節 三狗逐兔於東門路利以進取商人有得  
 中孚 武王不豫周公禱謝載璧秉圭安寧如故  
 小過 同載共車中道別去爵級不進君子下輿  
 既濟 六雁俱飛遊戲稻池大飲多食食飽無患  
 未濟 符左契右相與合齒乾以坤利季生六子

長大成就風言如母不利為咎

頤之第二十七

頤 家給人足頌聲並作四夷賓服干戈卷閣  
 乾 思初道古哀吟無輔陽明不制上失其所  
 坤 江河淮海天之奧府眾利所聚可以饒有樂  
 我君子  
 屯 三雁俱飛避暑就涼適與贈遇為繳所傷  
 蒙 秋南春北隨時休息處和履中安無憂凶  
 需 履危無患逃脫獨全不利出門傷我左膝疾

病不食鬼哭其室

訟 東家凶婦怨其公姥毀盤破盆棄其飯食使  
吾困貧

師 泥滓汗辱棄損溝瀆衆所笑哭終不顯錄  
比 旦往暮還吝與相存身無患凶

小畜 六翮長翼夜過射國羿氏無得

履 蜂蠆之國難以止息嘉媚之士爲王所食從  
去其室

泰 被狐乘龍爲王道東過時不返使我憂聾

否 電梅零墜心思情憤懷憂少愧亂我魂氣

同人 長女三嫁進退多態牝狐作妖夜行離憂  
大有 轟轟鞦韆驅東逐西盛盈必毀高位崩顛

謙 乘船涉濟載水逢火賴得無患蒙我全生

豫 德至之君政仁且溫伊呂股肱國富民安  
隨 生不逢時困且多憂無有冬夏心常悲愁

蠱 南歷玉山東入生門登福上堂飲萬歲漿  
臨 大斧斫木讒人敗國東關三五禍及三子晉

人亂危懷公出走

觀 一室百孫公悅姬歡相與笑言家樂以安  
 噬嗑 隨陽轉行不失其常君安於鄉國无咎殃  
 賁 羣虎入邑求索肉食大人禦守君不失國  
 剝 弱足則跟不利出門商賈無贏折崩為患湯  
 火之憂轉解喜來  
 復 夏臺幽戶文王厄處鬼侯飲食岐人悅喜  
 无妄 棟燒攘壞廊屋大敗宮闕空廓如冬枯樹  
 大畜 讒以內安不利其國室家大懼幽囚重閉  
 疾病多求罪亂憤憤

大過 六龍俱怒戰於陂下蒼黃不勝旅人艱苦  
 坎 天下雷行塵起不明市空無羊疾人憂凶三  
 木不喜脫歸家邦  
 離 一指食肉口無所得染其鼎鼐舌饒於腹  
 咸 喜笑不常失其福慶口辨言疥行者畏忌  
 恒 毛生毫背國樂民富侯王有德  
 遯 豮豕童牛害傷不來三光同堂生我福仁  
 大壯 江河淮濟盈溢為害邑被其癩年困無歲  
 晉 兩虎爭鬪股瘡無處不成仇讐行解却去

明夷 五嶽四瀆潤洽爲德行不失理民賴恩福  
家人 載車乘馬南逢君子與我嘉福離憂无咎  
睽 缺囊破筐空無黍梁不媚始公棄於糞場  
蹇 殺行桃園見虎東還螳螂之敵使我無患  
解 箕仁入室政衰弊極抱其彝器奔於他國因  
禍受福  
損 庭燎夜明追古傷今陽弱不制陰雄坐戾  
益 懸瓠素食非其任失輿剝廬休坐徙居  
夬 嘉聞福喜繒帛盛織日就爲得

姤 執綏登車驂乘東遊說齊解燕霸國以安  
萃 水深無桴蹇難何遊商伯失利庶人愁憂  
升 三鳥鴛鴦相隨俱行南到饒澤食魚與梁君  
子長樂見惡不傷

困 遠視目盼臨深苦眩不離越都旅人留難  
井 終風東西渙散四方終日至暮不見子權  
革 言無要約不成券契殷叔季姬公孫爭之彊  
入委命不悅我心

鼎 牛馬聳憤不知聲味遠賢賤仁自令亂憤疾



病無患生福在門

震 從商近遊食飽無憂囹圄之困中子見囚

艮 据斗運樞順天無憂與樂並居

漸 姬夷姜望為武守邦藩屏燕齊周室以彊子

孫億昌

歸妹 亡羊東澤循隄直北子息其母隨返其所

豐 張鳥開口舌直距齒然諾不行政亂無緒

旅 載船逢火憂不為禍家在山東入門見公

巽 絕國異路心不相慕蛇子兩角使我相惡

兌 鼻項移徙居不安坐枯竹後生失其寵榮

渙 火息無光千歲不長殷湯遠明

節 文王四乳仁孝篤厚子蓄十男無有折夭

中孚 熊羆豺狼在山陰陽伺鹿取麀道伏畏難

小過 彫葉被霜獨蔽不傷駕入喜門與福為婚

既濟 黃離白日照我四國元首昭明民賴為福

一作有漢有游  
女人不可得

未濟 順風直北與歡相得歲熟年豐邑無盜賊

一下有長女行嫁子  
孫不昌棄疾為殃

大過之第二十八

大過 典冊法書藏在蘭臺雖遭亂潰獨不遇災  
 乾 日在北陸陰蔽陽目萬物空虛不見長育  
 坤 鬼泣哭社悲商無後甲子昧爽殷人絕祀  
 屯 涉塗履危不利有為安坐垂堂乃無災殃門  
 戶自開君憂不昌

蒙 陽失其紀枯木復起秋華冬實君不得失  
 需 大樹之子百條共母當夏六月枝葉盛茂鸞  
 鳳以庇召伯避暑翩翩偃仰各得其所

訟 秉鉞執戈挑戰先驅不役元帥敗破為憂  
 師 啓室開門巡狩釋寃夏臺羨里湯文悅喜  
 比 衰滅無幾淵溺在項吠狗夜驚家乃不寧  
 小畜 西隣小女未有所許志如委衣不出房戶  
 心無所處傳母何咎  
 履 狗吠夜驚履鬼頭頸危者弗傾患者不成  
 泰 當年少寡獨與孤處雞鳴犬吠無敢難者我  
 生不辰獨嬰寒苦  
 否 無道之君鬼哭其門命與下國絕不得食

同人 乘龍南遊夜過糟丘脫厄曾憂

一下有贈絕魯傷羿

美不得

大有 馬躓車傷長舌破家東關二五晉君出走

謙 瓜花瓠實百女同室醯苦不熟未有配合

豫 晨風文翰火舉就温時過我邑羿無所得

隨 滉滉促促塗泥至轂雨濘不進虎嚙不得

蠱 膠車駕東與雨相逢放革懈惰頓禹一作獨

坐憂不為禍一作福

臨 六家作權公室剖分陰制其陽唐叔失明

觀 去室離家來奔大都火息復明姬伯以昌商

人失功

噬嗑 牧羊稻園逢虎喧謹危懼喘息終無禍患

賁 嬰兒求乳母歸其子黃麋悅喜乃得甘飽

剝 廓落失業跨禍變福利無所得

復 出入無時憂患為災行人失牛利去不來若

馬遺駒勿與久居

无妄 風怒漂木女感生疾陽失其時陰孽為賊

大畜 車馬疾傷不利越鄉幽人無貪去晦就明

頤 三奇六耦各有所主周南召南聖人所在德  
義流行民悅以喜

坎 坐爭立訟紛紛詢詢卒成禍亂災及家公

離 凶憂為殘使我不安從之南國以除心疾

咸 愛我嬰女牽引不得冀幸高貴反目下賤

恒 宜行賈市所取必倍載喜抱子與利為友

遯 坐席未温憂來扣門踰墻北走兵交我後脫

於虎口

大壯 赤帝懸車廢職不朝叔帶之災君子記廬

晉 子畏於匡厄困陳蔡明德不危竟自免害

明夷 逐雁南飛馬疾牛罷不見漁池失利憂危

牢戶之冤脫免無患

家人 推輦上山高仰重難終日至暮不見阜巔

睽 憂不為患福在堂門使君偃安

蹇 春桃生華季女宜家受福多年男為邦君

解 高山之巔去地億千雖有兵寇足以自守

損 過時歷月役夫憔悴處子歎室息我伯叔

益 太微復明說升傳巖乃稱高宗

一作疾在頭  
頸和不能生

滅其  
令名

夫 旁多小星三五在東早夜晨行勞苦無功  
姤 東鄉煩煩相與笑言子般鞭革圍人作患  
萃 鼻移在頭枯葦復生下朽上榮家乃不寧其  
舍不成

升 蝦蟆羣聚從天請雨雲雷集聚應時輒與得  
其所願

困 大步上車南到喜家送我貂裘與福載來  
井 賊仁傷德天怒不福斬刈宗社失其土宇  
革 從狷見虎雖危無殆終已不處

鼎 履行素德卒蒙祐福與堯侑食君子有息  
震 利在北陸寒苦難得憂危之患福為道門商  
叔生存

艮 四蹇六盲足痛難行終日至暮不離其隣  
漸 臺駘昧子明知地理障澤宣德封居河渙  
歸妹 畜水待時以備火災柱車絆馬郊行出旅  
可以无咎

豐 歲暮花落君衰於德榮寵墮陰棄其室

旅 夏敗蔡悲千里為市黃落澹鬱利得无有  
 吳 仲春巡狩東見羣后昭德允明不失其所  
 兌 冽潔縹縹締構難解蠓母銜嫁媒不得坐自  
 為身禍

渙 身嚙夜中以戒災凶重門擊柝備憂外客  
 節 朝霽暮露織我衣濡道無行牛

中孚 抱璞懷玉與桀跖觴詘坐不申道無良人  
 小過 兩心相悅其其蒹藋夙夜在公不離房中

得君子意 蒹藋一作茅蘆

既濟 載餽茹田破鉏失餐苗稼不闢獨飢於年  
 未濟 甘露醴泉太平機關仁德感應歲樂民安

屯之謙

坎之第二十九

坎 有身黃足歸呼季玉從我睢陽可避刀兵與  
 福俱行有命久長

乾 太王為父季歷孝友文武聖明仁德興起孔  
 張四國載福綏厚

坤 猿墮高木不蹶手足保我全生還歸其室



屯 重耳恭敏遇讒出處北奔戎狄經涉齊楚以  
秦代懷誅殺子圍身爲伯主

蒙 倚鋒據戟傷我胸臆耗折不息

需 狗冠雞步君失其所出門抵山行者憂難水  
灌我園高陸爲泉

訟 衆鳥所翔中有大恠丈身長頸爲我驚憂

師 虎行相逐未有休息戰於平陸爲夷所覆

比 禹鑿龍門通利水泉同注滄海民得安然

小畜 堯舜仁德養賢致福衆英積聚國無寇賊

履 陸居少泉山高無雲車行千里塗不污輪渴

我爲怨

泰 朝不見光夜不見明暝抵空牀季女奔亡愴

然心傷

否 齊魯永國仁聖輔德造禮雅言定公以安

同人 束帛玄圭君以布德伊呂百里應聘輔國

大有 棘鈎我襦爲絆所拘靈巫拜祝禍不成災

東山之邑中有肥土可以饒飽

謙 門燒屋燔爲下所殘西行出戶順其道理虎

臥不起牛羊歡喜

豫 墻高蔽目崑崙翳日遠行無明不見權叔  
 隨 天地際會不見內外祖辭遣送與世長訣  
 蠱 深水難涉泥塗至轂牛罷不進浮陷為疾  
 臨 羊驚虎狼獼猴羣走無益於僵為齒所傷  
 觀 履蛇躡虺與鬼相視驚恐失氣如騎虎尾  
 噬嗑 車驚人傾兩輪脫去行者不止人生憂懼  
 結締復解夜明為喜

賁 南販北賈與喜為市利得百倍

剝 延陵適魯觀樂太史東隣白顛知秦興起卒  
 兼其國一統為主

復 出門逢惡與福為患反相擊刺傷我手端  
 无妄 獐鹿羣走自然燕喜公子好遊他人多有  
 大畜 恭寬信敏履福不殆從其邦域與喜相得  
 頤 欲飛無翼鼎重折足失其福利庖羞為賊下一

有上妻之家富其冢宰  
喜除我憂解吾思愁

大過 府藏之富王以振貸捕魚河海布網多得  
 離 陰生麓鹿鼠舞鬼哭靈龜陸處釜餽塵生仁



智盤桓國亂無歡

咸 風塵坎坷不見南北行迷失利復反其室  
恒 金華白黃宜利戎市嫁娶有息商人悅喜  
遯 匏瓜之德宜繫不食君子失輿官正懷憂  
大壯 乘船渡濟載水逢火賴得免患我有所持  
晉 道險多石傷車折軸與市爲仇不利客宿  
明夷 託寄之徒不利請求結衿無言乃有悔患  
家人 三年爭妻相逐奔馳終日不食精氣竭罷  
睽 退惡防患日之中息解釋倒懸

蹇 兩足四翼飛入家國寧我伯姊與母相得  
解 寒露所凌漸至堅冰草木瘡瘍花落葉亡  
損 后稷農功富利我國南畝治理一室百子  
益 設網張羅捕魚園池網罟自決雖得復失危  
許之患受其忻歡

夬 路與縣休侯伯恣驕上失其威周室相微  
姤 逐走追亡相及扶桑復見其鄉使我悔喪  
萃 履祿綏厚載受福祉衰微復起繼世長久疾  
病無危晉人起告

升 鰥寡孤獨祿命苦薄入宮無妻武子哀悲  
困 山沒丘浮陸爲水魚燕雀無巢民無室廬  
井 冠帶南遊與福喜期遨遊嘉國拜位逢時  
革 東行亡羊失其羝牂少女無夫獨坐空廬  
鼎 探巢捕魚耕田捕鱖費日無功右手虛空  
震 東行飲酒與喜相抱福爲吾家利來從母水  
澤之徒望邑而處

艮 妄怒失精自令畏悔怡怡之歡君子无咎  
漸 白雲如帶往往來處飛風送迎大電將下擊  
我禾稼僵死不起

歸妹 南至之日陽消不息北風烈寒萬物藏伏  
豐 火中仲夏鴻雁解舍體重難移未能高舉君  
子顯名不失其譽

旅 北行出門履蹈躓顛踈足據塗污我襦袴  
巽 輕車醞祖疾風暴起促亂祭器飛揚鼓舞明  
神降佑道無害寇

兌 酒爲歡伯除憂來樂福喜入門與君相索使  
我有得

渙 三足孤鳥虛鳴督郵司過罰惡自賊其家毀  
敗為憂

節 三河俱合水怒踴躍壞我王室民飢於食

中孚 南行棗園惡虎畏班執火銷鋒使我無患

小過 求鹿過山與利為怨闇襲不言誰知其權

既濟 行旅困蹙失明守宿囹圄之憂啓蟄出遊

未濟 据棘履杞跌刺為憂夫婦不和亂我良家

離之第三十

離 時乘六龍為帝使東達命宣旨無所不通

乾 執轡四驪王以為師陰陽之明載受東齊

坤 春秋禱祀解禍除憂君子无咎

屯 坐朝乘軒据國子民虞叔受命和合六親

蒙 門戶下堂與福相迎祿於公室曾孫以昌

需 高木腐巢漏涇難居不去甘棠使我無憂

訟 三女為姦俱行高園倍室夜行與伯笑言不

認主母為設歡酒冤尤誰禱

師 漏卮盛酒無以養老春貸黍稷年歲實有履

道坦坦平安无咎

比 松柏枝葉常茂不落君子權寧日富求樂  
 小畜 夫婦不諧為燕攻齊良弓不張騎劫憂亡  
 履 出令不勝反為大災強不克弱君受其憂  
 泰 奔走相錯敗亂諸緒民不得作  
 否 載璧秉珪請命於河周公克敏冲人瘳愈  
 同人 素車為馬不任重負王侯出征憂危為咎  
 大有 大樹之子百條共母比之火中枝葉盛茂  
 謙 壅遏隄防水不得行火盛陽光陰蜺伏藏走  
 歸其鄉

豫 五岳四瀆合潤為德行不失理民賴恩福  
 隨 駕駿南遊虎驚我牛陰不奉陽其光滅蹠訾  
 之謙謙奉義解患  
 蠱 早霜晚雪傷害禾麥損功棄力飢無所食  
 臨 岐周海隅獨樂無憂可以避難全身保財  
 觀 陰蔽其陽目暗不明君憂其國求辟得黃駒  
 犢從行  
 噬嗑 金城鐵廓上下同力政乎民歡寇不敢賊  
 賁 平公有疾迎醫秦國和不能治晉人疑惑

剝 載堯扶禹從喬彭祖西遇王母道路夷易無  
敢難者

復 羔羊皮革君子朝服輔政天德以合萬國

无妄 振鐘鼓樂將軍受福安帖之家虎狼為憂

履危不殆師行何咎

大畜 嫡庶不明孽亂生殃陳失其邦

頤 鳥驚孤鴻亂國不寧上弱下強為陰所行

大過 被繡夜行不見文章安坐於堂乃无咎殃

長子帥師得其正常

坎 六月采芑征伐無道張仲方叔克勝飲酒

咸 昧暮乘車東至伯家踰梁越河濟脫無他

恒 東風解凍和氣兆升年歲豐登

遯 三狸搏鼠遮遏前後死於園城不得脫走

大壯 綏德孔明履祿久長貴且有光疾病憂傷

晉 三虎搏狼力不相當如摧腐枯一擊破亡

明夷 使伯采桑狼不肯行與叔爭訟更相毀傷

家人 抱空握虛鴉驚我雛利去不來

睽 李花再實鴻卵降集仁哲以興隆國不賊

蹇 東山臯落勇悍不服金瑛玩好衣爲身賊綵  
麻不作

解 飛蚊汚身爲邪所率青蠅分白真孝放逐  
損 南山大木文身六目制命出文東里宣敷尊  
主安居鄭國无患

益 泉起崑崙西出玉門流爲九河無有憂患  
夬 命短不長中年夭傷思及哭堂哀其子亡  
姤 君臣不和上下失宜宗子哀歌  
萃 苛政日作螟食華葉割下啖上民被其賊秋

無所得

升 南行載鎧登履九魁車傷牛罷日算嗟咨  
困 春東夏南隨陽有功與利相逢  
井 頭尾顛倒不知緒處君失其國  
革 言無要約不成券契殷叔季姬公孫爭之強  
入委命不悅子南

鼎 缺陷不成胎卵不生不見其形  
震 見蛇交臥惜蜒畏惡心乃无悔  
艮 河水孔穴壤敗我室水深無涯魚鼈傾倒

漸 五岳四瀆地得以安高而不危驚懼避患  
 歸妹 南至之日陽消不息北風冽寒萬物藏伏  
 豐 五利四福俱田高邑黍稷盛茂多獲高稻  
 旅 公孫駕車載遊東齊延陵子產遺我紵衣疾

病哀悲

吳 蛟虬當道民困愁苦望羊置羣長子在門  
 兌 金玉滿堂忠直乘危三老凍餓鬼奪我室求  
 魚河海網舉必得

渙 日入明匿陽晶隱伏小人心勞求事不得

節 頻逢招飲失利後福不如子息舊器故杵申  
 請必得乃無大悔

中孚 南有嘉魚駕黃取遊魴鱖詡詡利來無憂  
 小過 黃裳建元文德在身祿佑洋溢封為齊君  
 既濟 口不從心欲東反西與意乖戾動舉失便  
 未濟 虎狼之鄉日爭凶訟叨爾為長不能定証

焦氏易林卷之二 終

焦氏易林卷之三

咸之第三十一

咸 雌單獨居歸其本巢毛羽憔悴志如死灰  
 乾 小窻多明道理利通仁賢君子國安不僵  
 坤 心惡來怪衝衝何懼顏淵子騫尼父聖誨  
 屯 鳥嗚呼子哺以酒脯高棲水起來歸其母  
 蒙 國馬生角陰孽萌作變易常服君失于宅  
 需 入年多悔耕石不富衡門屢空使士失意  
 訟 諸孺行賈遠涉山阻與旅為市不危不殆利



得十倍

師 梁破橋壞水深多畏陳鄭之間絕不得前

比 雙鳧俱飛以歸稻池經涉藿澤爲矢所傷損

我胸臆

小畜 謾誕不成佶梁滅文許人買牛三夫爭之

失利後時公孫懷憂

履 南國饑凶民食糟糠少子困捕利無所得

泰 狗吠非主狼虎夜擾驚我東西不爲家咎

否 望龍無目不見手足入水求玉失其所欲

同人 以鹿爲馬欺誤其主聞言不信三口爲咎

黃龍三子中樂不殆

大有 養幼新婚未能出門登宋望齊不見太師

謙 王孫貴子相與爲友明允篤誠升擢薦舉

豫 山水暴怒壞梁折柱稽旅難行畱連愁苦

隨 鸛鳩徙巢西至平州遭逢雷電碎我茗蘆室

家饑寒思吾故初

蠱 登高傷軸上阪棄粟販鹽不利市賈折閱

臨 祝鮓王孫能事鬼神節用綏民衛國以存眉

壽多年

觀 九里十山道却峻難牛馬不前復反來還還

道作

噬嗑 枯樹不花空淵無魚舊鳥飛翔利棄我去

賁 雄狐綏遺登山崔嵬昭告顯功大福允興

剝 啞啞笑言與歡飲酒長樂行觴千秋起舞拜

受大福

復 大推破轂長舌亂國床第之言三世不安

无妄 男女合室三姓同食婚姻孔云宜我孝孫

三疑  
作二

大畜 千仞之墻不得入門金籠鍊疏利以避兵

欲上南阪軸方不轉還車復反

頤 華言風語自相註誤終無凶事安寧如故

大過 汎汎栢舟流行不休耽耽寐寐公懷大憂

仁不遇時退隱窮居

坎 大尾小頭重不可搖上弱下強陰制其雄

離 一身三口語無所至東西南北迷惑失道

恒 南行求福與喜相得封受上賞鼎足輔國晉

謙同

遯 過時不歸雌雄苦悲徘徊外國與母分離

大壯 堯舜在國陰陽和德涿聚衣裳晉人無殃

晉 周公之隆越裳夷通疾病多崇鬼哭其公狼

子野心容宿不同

明夷 申酉脫服牛馬依息君子以安勞者得權

家人 凱風無母何恃何怙幼孤弱子爲人所苦

睽 出門上堂從容牖房不失其常天牢地戶勞

者憂苦

蹇 天厭周德命與南國以禮靜民兵革休息

解 堂桑折衡佐鬪者傷暴臣反國良臣被殃

損 合歡之國嘉喜我福東岳西山朝齊成思

益 耕石不生棄禮無名縫衣失針襦袴不成

夬 聾瞽闇盲跛倚不行坐戶孛骸身被大災困

其多憂

姤 生長太平仁政流行四方歸德社稷康榮

萃 桀跖並處民人愁苦捕兵荷糧戰于齊魯合

豎得牢姬姜並居

升 南與凶俱破車失襦西行無袴亡其寶賂  
困 空槽注器豚彘不至張弓祝雞雄父飛去  
井 望尚阿衡太宰周公藩屏湯武立為王侯  
革 朝鮮之地姬伯所保宜家宜人業處子孫

鼎 息憂解笑故貧今富載樂履善與福俱憂下

字疑當作優

震 叔迎伯兄遇巷在陽君子季姬並坐鼓簧

艮 順風縱火艾芝俱亡三官集房十子中傷剝

坤作三害集房十子中傷

漸 駕車八里求鮮魴鯉非吾肆居自令失布君  
子所在安無危殆

歸妹 拔劍傷手見敵不起良臣無佐困辱為苦

豐 亂君之門佐鬪傷跟營私貪祿身為悔殘東

下泰山見我所歡

旅 慈母望子遙思不已久客外野使我心苦

巽 魴生淮郤一轉為百周流四海無有患惡淮郤

一作江雒

兌 甘露醴泉太平機關仁德感應歲樂民安

渙 采薇出車魚麗思初上下役急君子免憂  
節 豕生魚魴鼠舞庭堂雄佞施毒上下昏荒君  
失其邦

中孚 三頭六目道畏難宿寒苦之國利不可得  
小過 燕雀銜茅以生孚乳昆弟六人懽好孝悌  
各同心願和悅相樂

既濟 文君德義仁聖致福年無胎夭國富民實  
卧者在室曾累益息

未濟 秋梁未成無以至陳水深難涉使我不前

恒之第三十二

恒 黃帝所生伏羲之宇兵刃不至利以居止  
乾 登墀踈足南行折角長夜之室不逢忠直  
坤 燕雀衰老悲鳴入海憂在不飾差池其羽頡  
頡上下寡位獨處

屯 關門除憂伯自外來切切之患我心得歡  
疑當作切切

蒙 郊耕擇耜有所疑止空虛無子蒙昧不知  
需 張牙切齒斷怒相視禍起蕭牆牽引吾子患

不可解憂驚吾母

訟 履不容足南山多棘母出房閨乃無病疾

師 牛駢亡子鳴於大野申后陰微還歸其母

比 龍生于淵因風昇天章虎炳文為禽敗軒發

輓温谷暮宿崑崙終身無患光精照耀不被患

難

小畜 既嫁宜吉出入無咎三聖並居國安無災

履 北陸陽伏不知黑白君子傷讒正害善人

泰 一身兩頭延適二家亂不可治

否 牝馬牡駒歲孳不休君子衣服利得有餘

同人 南行懷憂破其金輿安坐故廬乃無殃患

大有 憂人之患履傷浮顏為身禍殘篤心自守

與喜相抱

謙 咸陽辰巳長安戌亥丘陵生心非魚鱗而可

以避水終無凶咎

豫 不知何孫夜來扣門我慎外寇兵戎且來

隨 昧旦不明日暗無光喪滅失常使我心傷

蠱 江陰水側舟楫破乏狐不得南豹無以北雖

欲會盟河水梁絕

臨神之在丑逆破為咎不利西南商人休止

觀然諾不行欺訟誤人使我虛宿夜歸温室神

怒不直鬼繫無目欲求福利適反自賊

噬嗑攘臂拯肘怒不可止狼戾懷狠無與為市

賁賈販馬買牛會值空虛利得尠少畱連為憂

高樓陸處以避風雨深堂邃宇君安其所牝

之息為我利福請求弗得

服箱太乙載行迯時歷舍所求吉昌

无妄飛來之福入我居室以安吾國

大畜不孝之患子孫為殘老耄莫養獨坐空垣

頤南過棘門駒裂我冠斷衣傷襦使君恨憂

大過重門射平不知所定質疑著龜孰可避火

明神答報告以犧牲宜利止居

坎麟麇鳳雛安樂無憂捕魚河海利踰徙居

離新田宜粟上農得穀君子懷德以千百祿

咸簪短帶長出思苦窮瘠蠡小瘦以病之瘥

遯爭訟之門不可與隣出入有為憂生我患

當疑

作生我  
憂患

大壯 朽根枯株不生肌膚病在心腸日以焦枯  
晉 雨師娶婦黃巖季女成禮就婚相呼南上膏  
我下土年歲大茂

明夷 冬採薇蘭地凍堅難利走失北暮無所得  
家人 昧之東域誤過虎邑失我熟羶飢無所食

熟疑  
作熊

睽 日莫閉目隨陽休息箕子以之乃受其福舉  
事多言必為悔殘

蹇 蓼蕭瀼瀼君子龍光鳴鸞嚶嚶福祿來同

解 鳥飛無翼兔走折足雖不同會未能利達

損 五勝相賊火得水息精光消滅絕不能續

益 東資齊魯得駢大馬便辟能言市人善賈鄰

人併戶請火不與人道閉塞鬼崇其宇

夬 爭雞失羊亡其金囊利不得長陳蔡之患賴

楚以安

姤 九登十陟馬跌不前管子佐之乃能上山

萃 東鄰愁苦君亂天紀日貪祿寵必受其咎

一本



有意合志同内外  
相從見吾伯公

升 三狸捕鼠遮遏我前死於壞域不能脫走

困 狼虎爭強禮義不行兼吞其國齊魯無王

井 五岳四瀆合潤為德行不失理民賴恩福

革 六月種黍歲晚無雨秋不宿酒神失其所先

困後通與福相從

酒字疑  
當作灑

鼎 駮牝龍身日取三千南上蒼梧與福為婚道

理夷易身安無患

取疑當  
作趣

震 出入休居安止無憂上室之權虐為季殘

艮 南山昊天刺政閔身疾病無辜背憎為仇

漸 潼頓東徙道路跛躄日辰不良病為祟禍

歸妹 兄征東燕弟伐遼西大克勝還封居河間

豐 播輪折輻馬不得行豎牛之讒賊其父兄布

衣不傷終身無患

旅 駕之南海晨夜不止君子勞罷僕夫憔悴

巽 怨重被燒忿怒生禍褊心作事意如為亂

兌 張狂妄行竊食盜梁狗吠非主嚙傷我足

渙 警蹕式道先驅除咎王后親桑以率羣功安

我祖宗

節 門戶乏食困死誰告對門不通安所歸急積

藏五穀一花千葉市賈有息

中孚 破敝復完危者得安鄉善無損商人有息

利來入門

小過 疊疊累累如岐之室一息十子古公治邑

既濟 三嫗治民不勝其任兩馬爭車敗壞家室

未濟 蔽鏡無光不見文章少女不市棄於相望

遯之第三十三

遯 三塗五岳陽城太室神明所住獨無兵革

乾 軟弱無輔不能自理意在外野心懷勞苦雖

憂不殆

坤 周成之隆刑措無凶大衆讚佑君子作仁

屯 穴有狐鳥坎生蝦蟆象云萬里不可得捕

蒙 俱爲天民雲過吾面治民嫉妬與我無恩

一民

門作

需 三首六目政多煩惑臯陶瘖聾亂不可從

訟 德積不輕辭出真心三媒不已大福來成

師 堅固相親日用自完六體不易孰爲安全雨  
師駕西濡我轂輪張伯李季各噬關門

比 方內不行輻摧輪傷馬禁隄與愛子閔時

小畜 畜牝無駒養雞不雛羣羊三歲不生兩頭

履 老耄罷極無取中直懸輿致仕得歸鄉國

泰 縮緒亂絲手與爲災越畝逐兔斷其禪襦

否 海老水乾魚鱉蕭索高落無澗獨有沙石

同人 入市求鹿不見頓足終日至夜竟無所得

大有 築門壅戶虎卧當道驚我驂騶不利出處

謙 陶朱白圭善賈息資公子王孫富貴不貧

豫 王良善御伯樂知馬周旋步驟行中規矩止

息有前延命壽考

隨 堯問大舜聖德增益使民不懼安無怵惕

蠱 昭公失常季氏悖狂遊齊處鄆喪其寵身

臨 昏暮不行候旦待明復住止後未得相從

觀 安止宜官一日九遷升擢超等牧養常山

噬嗑 去惡就凶東西多訟行者無功

賁 老馬垂耳不見百里君子弗恃商人莫取無

與爲市

剝 蠍螺生子深自黑醜似類其母雖或相就衆

人莫取

一云蝸螺自疑當作目

復 百足俱行相輔爲強三聖翼事王室寵光

无妄 容民蓄衆履德有信大人受福童蒙憂惑

利無所得

大畜 左跌右僵前躓觸桑其稽據石傷其弟兄

老蠶不作家箕織帛貴貨賤身久畱連客

頤 昏人旦明賣食老昌國祚東表號稱太公

大過 敝筍在梁魴逸不禁漁父勞苦焦喉乾口

虛空無有

坎 盛中後跌衰者復掇盈滿或毀疾羸肥脂鄭

昭失國重耳興立

離 折亡破甕使我困貧與母生分別離異門

咸 野有積庾嗇人駕取不逢狼虎暮歸其宇

恒 襁褓孩孤冠帶成家出門如賓父母何憂

大壯 陳力就列官職無廢手不勝益失其寵門

晉 積雪大寒萬物不生陰制庶士時本寒貧

明夷 龍鬪海門失理傷賢內畔生賊自為心疾  
家人 不畏猛虎依人為輔三夫執獸伏不敢起  
身安無咎

睽 南山高崗回隕難登道路遼遠行者無功憂  
不改凶惡亦消去

蹇 逢時陽遂富且尊貴  
解 求我所欲得其利福終身不辱盈盛之門高  
屋光覆君先其固

損 安坐至暮禍災不到利詰妬姝皇宥不赦  
益 膠車駕東與雨相逢五檠解墮頓斬獨宿憂  
為身福

夬 擇日高飛遠至東齊見孔聖師徒我相諧  
姤 陳媯敬仲兆興齊姜乃適營丘八世大昌  
萃 缺將無憚難從東西毀破我盆泛棄酒食  
升 中夜狗吠盜在廬外神光佐助消散歸去  
困 雷車不藏隱隱西行霖雨三旬流為河江使  
我憂凶

井 老河空虛舊井無魚利得不饒避患東隣福

來入門使我悔存

革 福德之士歡悅日喜夷吾相國三歸為臣貴

流子孫

鼎 清人高子久屯外野逍遙不歸思我慈母

震 驄驕黑鬃東歸高鄉白虎推輪蒼龍把衡朱

雀導引靈鳥載遊遠扣天門入見真君馬全人

安

艮 路多枳棘前刺我足不利旅客為心作毒

漸 端作生患憂來入門使我不安作疑當

歸妹 小阪之市利不足喜二世積仁蒙其祖先

匪躬之言狂悖為患

豐 登高望時見樂無憂求利南國與寶相得

旅 跛足息肩有所忌難金城鐵郭以銅為關藩

屏自衛安上無患上疑當

巽 江水沱汜息附君子伯仲處市不我肯顧姪

娣悵悔

兌 芽蘖生達陽唱於外左手執籥公言錫爵唱疑

常作  
倡

渙 雲夢苑囿萬物蕃熾犀象玳瑁荆人以富  
節 渠戎萬里晝夜愁苦橐甲戌服雖荷不賊鷹  
鸛之殃害不能傷

中孚 出門東行日利辰良步騎與駟徑歷京邦  
暮宿北燕與樂相逢

小過 騎騅與蒼南賈太行逢蛟猛虎為所吞食  
葬於涓陽

既濟 磁基逢時稷契臯陶貞良得願微子解囚  
市恐無虎謾言妄語

未濟 酒為歡伯除憂未樂福善入門與君相索  
使我有得未當  
作來

大壯之第三十四

大壯 左有噬熊右有齧虎前觸鍬矛後躡強弩  
無可抵者

乾 金齒鐵牙壽考宜家年歲有儲貪利者得有  
其咎憂

坤 家給人足頌聲並作四夷賓服干戈橐閣  
屯 獼猴冠帶盜載非位眾犬持吠狂走蹶足

蒙 心患其身不念安存忠臣孝子為國除患

需 君不明德臣亂為惑丞相命駕胡亥失所

訟 東行西窮南北無功張伯買鹿從者失羊

師 鹿下西山欲保其羣逢羿箭鋒死於矢端

比 夷明兆初三旦為災以讒復歸名曰豎牛剝

亂叔孫餒卒虛丘

小畜 秦失嘉居河伯為怪還其銜璧神怒不祐

織組無文燒香不芬

履 至德之君禍不過隣使我世存身無患災

泰 眾惡之堂相聚為殃幽毒良人使道不通

否 三痴六狂欲之平鄉迷惑失道不知昏明

同人 老弱無子不能自理郭氏雖憂終不離咎

管子治國侯伯來服乘輿八百尊祀祖德一作大有

卦

大有 褒后生蛇經孝曰微追跌衰耄復滅黃離

一作同人卦

謙 聰鬣黑髯東歸南鄉白虎推輪蒼龍把衡遂

至夷傷不離咎殃

傷下有祿陽聰一作騙



豫 信譎龍且塞水上流半渡決囊楚師覆亡  
 隨 有莘季女為王妃后貴夫壽子母尊四海  
 蠱 德被八表蠻夷率服蝥賊不作道無苛慝  
 臨 載日精光驂駕六龍祿命徹天封為燕王  
 觀 纓急縮頸行不得前五石示象襄伯不成  
 噬嗑 蛇鄉其穴載麻當喪哀悲哭泣送死離鄉  
 賁 四隕不安兵革為患掠我妻子客屢飢寒四一  
回作  
 剝 乘風禹橋與飛鳥俱一舉千里見吾愛母禹

雨作

復 雷霆所擊誅者五逆剝滅無迹有懼方息  
 无妄 張氏揖酒請謁左右王時枯槁獨不蒙所  
王一作平  
 大畜 坐爭立訟紛紛匆匆卒成禍亂災及家公  
 頤 霜降門戶蟄蟲隱處不見日月與死為伍  
 大過 鼠聚生怪為我患悔道絕不通商旅失意  
 坎 寒暑不當軌度失常一前一後年歲鮮有  
 離 築室水上危於一齒丑寅不徙辰卯有咎

咸 畜雞養狗長息有儲耕田得黍主母喜舞  
恒 東壁餘光數暗不明主母嫉妒亂我事業

遯 剛柔相傷火爛銷金鵬鷹制兔伐楚有功

晉 鄭國讒多數被楚憂征夫愁苦民困無聊一本

云三豕俱走鬪于虎口  
白豕不勝死于坎下

明夷 弓矢斯張把彈弦折丸發不至道遇害患

家人 舉觴飲酒未得至口側棄醉酣拔劍斫怒

武侯作悔

睽 蒼鷹羣行相得旅前王孫申公驚奪我雄北

天門開神火飛災如不敬信事入塵埃

蹇 穿屋相宜利倍我北循邪詭道迎不可得南

北望邑遂歸入室

解 壽如松喬與日月俱常安康樂不罹禍憂

損 出門望東伯仲不來疾病為患使母憂歡

益 太姬之孫周文九子咸遂受成寵貴富有

夬 桃李花實纍纍日息長大成熟甘美可食為

我利福

姤 婚禮不明男女失常行路有言出爭我訟

萃 空穿漏敝破桴殘缺陰弗能完瓦碎不全空疑

室作

升 數窮廓落困於曆室往登玉堂與老侑食老一

堯作

困 道溼為坑輪陷躓疆南國作諱使我多畏

井 鰥寡孤獨福祿苦薄入室無妻我子哀悲

革 舉袂覆目不見日月衣衾杖几就其夜室

鼎 長尾踳跔畫地為河深不可涉絕世之比憫

然憤息

震 晨風文翰火舉就温昧過我邑羿無所得

艮 出入節時南北無憂亟行所逐亟行

所逐一作行者亟至

漸 陽氏狂惑季孫亂潰陪臣執政平子俱折季

心不快

歸妹 五鳥六鳴相對蹲跂禮讓不與虞芮爭訟

豐 願念所生隔在東平遭離滿沸河川決潰幸

得無恙復生歸室

旅 追獵東走兔逝我後吾銳不利獨空無有

吳 犬吠非主上下渾擾敵人襲戰閔王逃走  
 兌 嵩高岱宗峻直且神觸石膚寸千里蒙恩  
 渙 陳魚觀社狼虎踰距為民開緒亡其祖考  
 節 四壁無戶三步一止東西南北利不可得  
 中孚 求君衣裳情不可當觸諱西行為伯生殃  
 君之上安得生安存

小過 春鴻飛東以馬貨金利可得深  
 既濟 禾生蟲蠹還自尅賊使我無得  
 未濟 桀亂無道民散不聚背室之家遁逃出走

晉之第三十五

晉 銷鋒鑄耜休牛放馬甲兵解散夫婦相保  
 乾 一衣三冠冠無所絆衣服不成為身災患  
 坤 百足俱行相輔為強三聖翼事王室寵光  
 屯 魚蛇之怪大人憂懼梁君好城失其安居  
 蒙 少無強輔長不見母勞心遠思自傷憂苦  
 需 前不溽暑解不可取離門二里敗我利而老  
 牛病馬去之何悔  
 訟 君明有德登天大祿布政施惠以成恩福中

子南遊翱翔未復

師 堯然唯諾敬上尊容執恭除患禦侮致福

比 黍稷禾稻垂秀方造中旱不雨傷風病藁旱

本作

卓

履 倚立相望引衣欲裝陰雲蔽日暴雨降集使

道不通阻我歡會

泰 高脚疾步受肩喜趨日走千里賈市有得

否 北風寒涼雨雪盈冰憂思不樂哀悲傷心

同人 貞鳥睢鳩執一無尤寢門治理君子悅喜

大有 蓼蕭露瀼君子寵光鳴鸞嚶嚶福祿來同

謙 南行求福與喜相得受封上賞鼎足輔國咸

同恒

同

豫 桑華腐蠹衣弊如絡女功不成絲布為玉

隨 左服易右王良心歡喜利從已

蠱 壽考不忘駕駟東行三適陳宋南賈楚荆得

利息長旅身多罷畏晝喜夜

臨 羔羊皮弁君子朝服輔政扶德以合萬國

觀 鸛鳩徙巢西至平州遭逢雷電破全葦蘆室  
家饑寒思吾故初全當作我 咸之隨同

噬嗑 大尾小頭重不可搖上弱下強陰制其雌

咸之坎同 雌作雄

賁 疏足息肩有所忌難金城銅郭以鐵為關藩  
屏自衛安心無患

剝 天命玄鳥下生太商造定四表享國久長

復 賦歛重數政為民賊杼軸空虛我去其室

无妄 陰陽隔塞許嫁不答宛丘新臺悔往歎息

大畜 願望登虛意常欲逃賈辛醜惡妻不安夫

頤 跣行竊視有所畏避蔽目伏藏以夜為利

大過 信敏恭謙敬鬼尊神五岳四瀆克厭帝心

受福宜年

坎 懸懸南海去家萬里飛兔腰褭一日見母除

我憂悔

離 雖污不辱因何跣足童子褰衣五步平復

咸 宮城立見衣就袂裾恭謙自衛終無禍尤

恒 蔽笥在梁不能得魚望食千里所至空虛

遜 千里駢駒為王服車嘉其驪榮君子有成  
 大壯 鼎足承德嘉謀生福為王開庭得心所欲  
 明夷 右手無合獨折左指禹湯失位事功弗立  
 家人 憂凶增累患近不解心西意東事無成功  
 睽 東行食榆困於枯株夫妻無家志窮為憂  
 蹇 五經六紀仁道所在正月繁霜獨不離咎離當

作

解 懈緩不前急墮失便二至之戒家無禍凶刻

水象形聞言不信水一本

損 仁愛篤厚不以所忿害其所子徙我舊都日

益富有

益 缺破不成胎卵未生弗見兆形

夬 摧角不傷雖折復長秉德無愆老賴榮光

姤 乘桴浮海免脫厄中雖困無凶

萃 孔鸞鴛雛鵝鶉鵠翱翔紫淵嘉禾之國君

子以說

升 甘露溫潤眾來得願樂易君子不逢禍亂

困 東騎墮落千里獨宿高岸為谷陽失其室

井 入村既登以成嘉功  
 龍降庭堅國無災凶  
 革 邯鄲反言父兄生患  
 竟涉憂恨卒死不還  
 鼎 五銳鐵頤倉庫空虛  
 賈市無盈與利為仇  
 震 白鳥銜餌嗚呼其子  
 施枝張翅來從其母  
 艮 學靈三年聖且神明  
 先見善祥吉盛福慶  
 神馬來見告我無憂

漸 雲孽蒸起失其道理  
 傷害年穀神君之精

歸妹 春耕有息利入利  
 福獻豨大縱以樂成功

大疑當  
 作私

豐 羸豕躑躅虎來都邑  
 遮遏左右國門救急

旅 東行西維南北善迷  
 逐旅失羣亡我襦衣

巽 居室之倫夫婦和親  
 小人乘車車在夫家碩

果失參不知孰是

兌 東方孟春乘水載盆  
 懼危不安終身所歡

渙 風吹塵起十地无所  
 南國年傷不可安處

節 重載傷車婦女无夫  
 三十不室獨坐空廬

中孚 敗牛羸馬與利為  
 市不我嘉喜

小過 月出阜東山蔽其  
 明章父憂僂箕子狎狂



既濟 出入門所與道開通杞梁之信不失日中  
少季渡江來歸其邦疾病危亡

未濟 邑居衛師如轉蓬時居之凶危

明夷之第三十六

明夷 他山之錯與璆為仇來攻吾城傷我肌膚  
邦家騷憂

乾 踐履寒冰十步九尋惟有苦痛不為病憂

坤 太公避紂七十隱處卒逢聖文為王室輔

屯 日月之塗所行必到無有患悔

蒙 諷德誦功美風盛隆且輔成周光濟冲人

需 童子無室未有配合空坐獨宿

訟 穿鼻繫株為虎所拘王母祝詞禍不成災逐  
然脫來

師 黃帝神明八子聖聰佚受大福天下平康

比 深谷為陵衰者復興亂傾之國民德安息中

婦病困遂入冥室

小畜 道遠遼絕路宿多悔頑嚚相聚生我畏忌

履 旦樹菽豆暮成藿羹心之所樂志快心懽

秦切切之患凶憂不成虎不敢嚙利當我身切切

疑作切切

否王伯遠宿長婦在室異庖待食所求不得

同人寒燠失時陽旱為災雖耗無憂

大有雖窮復通履危不凶得其明功

謙狼虎所宅不可以居為我患憂

豫喋囁處耀明昧相傳多言少實語無成事

隨履冰路凌雖困不窮播鼓登巖卒無憂凶

蠱文墨且墨禍福相雜南北失志東西不得云一

文墨且黑憂福相雜

臨爭訟不已更相談詢張季弱口被髮北走

觀德積逢時宜其美才相明輔聖拜受福休長

女不嫁後為大悔

噬嗑江水沲沲息附君子仲伯憂歸不我肯顧

姪娣恨悔

賁光禮春成陳室鷄鳴師明失道不能自守消

亡為咎

剝驚虎無患虞為我言賴得以安

復 譌言妄語轉為註誤不知狼處

无妄 履慄自敵凶憂來到痛不死哭

大畜 牽尾不前逆理失臣惠朔以奔

頤 三狸捕鼠遮遏我後死於環城不得脫走

大過 言笑未畢憂來暴卒身墨丹索檻內裝米

坎 陰積不已雲作淫雨傷害平陸民無室屋

離 山林麓藪非人所處鳥獸無禮使我心苦

咸 新作初陵踰陷難登三駒推車跌損傷頤陷當

作險

恒 魂微悒悒屬續聽絕擴然大通復更生活

遯 藥子作殃伯氏誅傷州吁奔楚去其邑鄉

大壯 驕胡大形造惡作凶無所能成還自滅身

晉 陳辭達情使安不傾增榮益譽以成功名

家人 三祀無棗家無積莠使鳩求婦頑不我許

睽 慎禍重患顏子為尤乃能安存牢戶繫羊乃

能受福

蹇 鹿得美草鳴喚其友九族和睦不憂饑乏

解 亡玉失鹿不知所伏利以避危全我生福其

雨時降年歲有得

損 逢時積德身受福慶

益 鵠思其雄欲隨鳳東順理羽翼出次日中須

雷北邑復反其室

夬 環緒倚鈕斗升屬口貧賤所處心寒悲苦疑緒

當作

姤 孤獨特處莫依為輔心勞志苦

萃 稷為堯使西見王母拜請百福賜我喜子長

樂富有

升 鳴條之災北奔犬胡左衽為長國號匈奴主

君旄頭立為單于

困 絕而復通雖危不窮終得其願姬姜相從

井 陽并悖狂拔劍自傷為身生殃

革 方圓不同剛柔異鄉掘井得石勞而無功

鼎 乘風駕雨與鳴鳥俱動舉千里見我愛母

震 三塗五岳陽城太室神明所扶獨無兵革

艮 鷓鴣娶婦深目窈身折腰不媚與伯相悖

漸 轉行軌軌行近不遠旦夕入門與君笑言

歸妹 求利難國逃去我北復歸其城不為吾賊

難疑當  
作離

豐 日月之途所行必到無凶無咎安寧不殆

旅 管叔遇桓得其願歡膠日殺糾振冠無憂笑

喜不莊空言妄行

豐之困

巽 出入蹈踐動順天時俯仰有節禍災不來

兌 內崩中傷上亂無常雖有米粟我不得食

渙 逐禍除患道德神仙過惡萬里福常在前身

樂以安

節 牛驚馬走上下渾擾鼓音不絕項公奔敗

中孚 西上九陂往來畱連心須時日靈與有德

小過 虎怒捕羊狷不能攘

既濟 湧泉涓涓南流不絕卒為江海將帥襲戰

獲其醜虜

未濟 桃弓葦戟除殘去惡敵人執服

家人之第三十七

家人 王命赤烏與君徼期征伐無道誅其君傲

居止何憂

乾 千歲槐根身多斧痕傷夷倒掘枝葉不存  
 坤 嘖嘖諤諤虎豹相齧畏懼悚息終無難惡  
 屯 娶於姜呂駕迎新婦少齊在門夫子歡喜  
 蒙 高壤肥澤民人孔樂宜利居止長安有福  
 需 主有聖德上配太極皇靈建中授我以福  
 訟 耄老蒙鈍不見東西少者弗慕君不與謀懸  
 輿致仕退歸里居

師 三狂北行道逢大狼暮宿患宅為禍所傷  
 比 更旦初歲振除禍敗新衣元服拜受利福

小畜 杲杲白日為月所食損上毀上鄭昭出走

損上之上  
疑當作下

履 君子失意小人得志亂憂並作姦邪充塞雖  
 有百堯顛不可救

泰 仁德優洽恩及異域澤被殊方福慶隱伏作  
 蠶不織寒無所得

否 東求金玉反得弊石名曰無宜字曰醜惡眾  
 所賤薄

同人 擊鼓合戰士怯叛亡威令不行敗我成功

大有 仲春孟夏和氣所舍生我嘉福國無殘賊  
 謙 尹氏伯奇父子相離無罪被辜長古為災  
 豫 五穀不熟困民惡極駕之新邑嘉禾有得  
 隨 登虛望貧暮食無殮長子南戍與我生分  
 蠱 東市齊魯南賈荆楚羽毛齒革為吾利寶  
 臨 節情省欲賦歛有度家給人足公劉以富  
 觀 恭寬信敏功加四海辟去不祥喜來從母  
 噬嗑 張狂妄行與惡相逢不得所欲生我獨凶  
 賁 畫龍頭頸文章不成其言美語詭辭無名

剝 騎龍乘鳳上見神公彭祖受制王高贊通巫  
 咸 就位拜壽無窮

復 溫仁君子忠孝所在八國為隣禍災不起

无妄 威權分離鳥夜徘徊羣蔽月光大人誅傷

大畜 學靈三年聖且神明先知吉祥言喜福慶

神鳥來見告我無窮 同晉之艮 字有少異

頤 東山辭家處婦思夫伊威盈室長股羸戶歎

我君子役日未已

大過 張頷開口舌宜絕齒然諾不行政亂無緒

坎 吹角高邦有失牛羊衆民驚惶敬慎避咎救  
行不殃

離 南行出城世德福祉三姬嫁齊賴其所欲  
咸 心狂志悖耳聽從類政令無常下民食孽

恒 安上宜官一日九遷踰羣越等牧養常山  
遯 東鄰嫁女爲王妃后莊公築館以事主母歸

于京師季姜悅喜  
大壯 六甲無子以喪其戊五丁不親庚失曾孫

癸走出門

晉 陰霧不清濁政亂民孟春季夏水壞我居

明夷 騎肫逐羊不見所望徑涉虎廬亡身失羊  
睽 安牀厚褥不得久宿棄我喜晏困於南國投

杼之憂不成禍災

蹇 五日四維安平不危利以居止保有玉女  
解 西賈巴蜀寒雪至轂欲前不得反復其室

損 剛柔相呼二姓爲家霜降旣同惠我以仁  
益 天馬五道夾大分處往來上下相隨哭歌凶

惡好向



夫出門懷憂東上禍丘與凶相遇自為災患

姤西行求玉冀得隋璞反見凶惡使我驚惑

萃出門無至動作失利銜憂懷禍使我多悴門

作入至  
一作姦

升高樓無枉顛僵不久紂失三仁身死牧野

困避禍逃殃身全不傷高貴疾顛華落墜二

井張牙反目怒辭忿怒狂馬撓犬道警傷軫

革泉涸龍憂箕子為奴干叔隕命殷破其家

鼎向食飲酒嘉賓會聚祥羊犬猪君子饒有

震黃牛駢犢東行折角冀得百祥反亡我囊

艮路多枳棘步刺我足不利旅客為心作毒

漸執釜破薪使媒求婦和合二姓親御斯酒召

彼隣里公姑悅喜

歸妹駕車出門顯時宜西福祐我身安寧無患

豐日新東升魁杓為禍漢臺為秦使我久坐升

徙作

旅山陵丘墓魂空室屋精光竭盡長卧無覺

巽孩子含餌為利所悅探釜把甌爛其手臂

兌 何村待時門戶獨悲蚯蚓冬行解我無憂桑蠶不得女功無成

渙 解傷驚惶散我衣裳君不安邦

節 害政養賊背王入愆跛行不安國為危患

中孚 禍走患伏喜為我福凶惡消亡災害不作

小過 老馬為病病雞不雛三雌獨宿利在山北

既濟 播天舞地曉亂神所居樂无咎

未濟 異國殊俗情不相得金木為仇酋長擅役

睽之第三十八

睽 倉盈庾億宜稼黍稷年豐歲熟民得安息

乾 被服文衣遊視酒池上堂見觴喜為吾兄使

我憂亡 蹇之同人

坤 邑姜叔子天文在手實沈參墟封為晉侯

屯 改柯易葉飯温不食英雄爭強先者受福

蒙 馨香陟降明德上登社神佑顧命為大鄰

需 老狼白駒長尾大狐前顛卻躓進退遇崇

訟 山没丘浮陸為水魚燕雀無廬

師 懿公淺愚不受深謀無援失國為狄所滅

比 鼎易其耳熱不可舉大塗壅塞旅人心苦  
小畜 凶聲醜言要不可聞君子舍之往恨我心

要疑當作惡

履 昧暮乘車履危路溝亡失羣物摧折兩軸  
泰 南有嘉魚駕黃取鱗魴鯁詡詡利來母憂  
否 隔在九山往來勞難心結不通失其所歡  
同人 下流難居任失多態貞良溫柔年歲不富  
大有 狐狸雉兔畏人逃去分首竄匿不知所處  
謙 異體殊俗各有所屬西鄰孤嫗欲寄我室主

母罵詈終不可得

豫 怒非怨妒貪得腐鼠而呼鷹鷂自今失餌倒  
被困患

隨 五心六意岐道多怪非君本心生我恨悔  
蠱 三班六黑同室共食日長月息我家有德  
臨 方船備水旁河燃火終身無禍

觀 醫屏獨語不聞朝市利以居言寃被後門  
噬嗑 居處不安徒反觸患

賁 刺剔髡人所賤棄批捍之言我心不快

剝 臯田禾黍堆壤麻阜衣食我躬室家饒有  
復 兩目失明日奪無光脛足跛倚不可以行頓  
於丘傍

无妄 金城朔方外國多羊履霜不時去復爲憂  
大畜 匿瘡不醫亂政生災紂作淫虐商破其墟  
頤 鬼哭泣社悲傷無後甲子昧爽殷湯絕祀  
大過 焱風卒起車馳袍褐棄古追亡失其和節  
憂心惛惛

坎 耄老失明聞善不從自今顛沛反爲咎殃  
離 隨風騎龍與利相逢日獲三狐商伯有功衝  
衝之邑長安無他

咸 三牛五牂重明作福使我有得疾入官獄憂  
在心腹

恒 孟已乙丑哀呼尼父明德訖終亂虐滋起  
遯 華登百枝消暗衰微精光訖盡奄如灰糜  
大壯 鷹飛雉遽兔伏不起狐張狼鳴野雞驚駭  
晉 鬪身戰天門有何患室家具在不失其歡  
明夷 東家殺牛汚臯腥臊神背西顧命絕衰周

毫社災燒宋人夷誅

家人 陰陽辨舒二姓相合婚姻孔云生我利福

蹇 東入海口循流北走一高一下五色無主十

日六夜死於水渙

解 孤竹之墟失婦無夫傷於蒺藜不見其妻東

郭棠姜武子以亡

損 天門東墟盡既為災跡蹊暗聾秦伯受殃

益 賴生光水受福之祉雖遭亂潰獨不危殆

夬 折舌閉目不見稚叔三足孤鳥遠其無失

姤 七人同室兄弟合食和樂相好各得所欲

萃 繼體守藩縱欲廢賢君臣淫佚夏氏失身側

室之門福祿來存

升 老狐屈尾東西為鬼病我長女哭涕詘指或

西或東大革易誘

困 大樹之子百條共母當夏六月枝葉茂盛鸞

鳳以庇召伯避暑穉穉叩甚各得其所

井 井堙木刊國多暴殘秦王失所壞我大壇刊疑

當作利

革 駕黃買蒼與利相迎心獲所守不累兄弟  
 鼎 倉盈庾億宜稼黍稷年豐歲熟民得安息  
 震 人生馬淵壽考且神飛騰上天舍宿軒轅居  
 常樂安

良 思願所之今乃逢時洗我故憂拜我歡來  
 漸 魁剛所當初為敗殃君子留連困於水漿求  
 金東山利在茂卿賈市有息子戴母行  
 歸妹 鉛刀攻玉無不鑽鑿龍體具舉魯般為輔  
 三聖翼事所求必喜

豐 喜來如雲舉家歡忻眾才君子駕福盈門  
 旅 響像無形骨體不成微行衰索消滅無名  
 巽 積水不温北陸苦寒霜宿多風君子傷心  
 兌 黃馬綠車駕之大都讚達才能使我無憂讚疑  
當作薦  
 渙 從風放火芝艾俱死三害集聚叔子中傷  
 節 一身三手無益於輔兩足共節不能克敏  
 中孚 南向陋室風雨並入埃塵積溼王母盲痺  
 偏枯心疾亂我家次

小過 采薇出車魚麗思初上下促急君子懷憂  
既濟 先易後否告我利市騷蘇自苦思再改正

改正一  
作故止

未濟 生宜地乳上皇大喜隆我社福貴壽無極

蹇之第三十九

蹇 同濟共與中道別去喪我元夫獨與孤苦

乾 叔肸居寃祁子自邑乘遽解患羊舌免脫賴

得生全

坤 兔聚東郭衆犬俱獵圍缺不成無所能獲

屯 作室山根人以爲安一夕崩顛敗我壺飡

蒙 疾風塵起亂我崩始强大并小先否後喜

需 潔齋沐浴思明居德哀公怯弱風氏復比

訟 土瘠瘦薄培塿無柏使我不樂

師 褰衣涉河澗流波多賴遇舟子濟脫無他

比 送我季女瑩于蕩道齊子旦夕畱連久處

小畜 三孫六子安無所苦中藏廢殆亡我所使

履 揚風偃草塵埃俱起清濁溷散忠直隱處

泰 歷險登危道遠勞疲去家自歸困涉大波

否 六藝之門仁義俱存  
磁基逢時堯舜為君傷  
寒熱温下至黃泉

同人 被服文衣遊觀酒池  
上堂見觴喜為吾兄  
使我憂亡

大有 生時不利天命災至  
制於斧癥當夜勤苦  
謙 天門開闢牢戶寥郭  
桎梏解脫拘囚縱釋

豫 川淵難遊水為我憂  
多言少實命鹿為駒道  
德開基君子逢時利以中疑

隨 鄉歲逢時與生為期  
枝葉盛茂君子无憂  
蠱 六鵠退飛為衰毀祥  
陳師合戰左股夷傷遂  
崩不起霸功不成

臨 雷君出裝隱隱西行  
霖雨不止流為河江南  
國憂凶

觀 牙孽生齒陽倡於外  
左手執籥公言錫爵  
噬嗑 火起土門不為我殘  
跳脫東西獨得生完

賁 舉事無成不利出征  
言不齊用眾不能平  
不利出鄰病疾憂患

剝 老狼白驢長尾大狐  
前顛却躡進退遇崇



復 日入道極勞者休息班馬還師復我燕室  
 无妄 山林麓藪非人所處鳥獸無禮使我心苦  
 大畜 畜利積福日新其德高氏飲食憂不為患  
 頤 張羅百日鳥不得北縮頸掛翼困於窘國君  
 子治德獲譽受福

大過 伯虎仲熊德義淵弘使布五教陰陽順序  
 坎 跛躄相隨日暮牛罷陵遲後旅失利亡雌  
 離 羸氏違良使孟尋兵老師不已敗於齊卿  
 咸 日月並居常暗且微高山崩顛丘陵為溪

恒 鳥鵲食穀張口受哺蒙恩被德長大成就柔  
 順利貞君臣相好

遯 雖躓復起不毀牙齒克免平復憂除無疾  
 大壯 草木黃落歲暮無室虐政為賊大人失福  
 晉 避凶東走反以禍口制於牙爪骨為灰土  
 明夷 欲飛不能志苦心勞福不我來  
 家人 羔裘豹褰東與福遇駕迎吾兄送我驪黃  
 睽 東耕破犁西失良妻災害不避家貧無資  
 解 魚陸失所鳥蠅困苦澤無萑蒲晉國以虛

損 脫兔無蹄三步五罷南行不進後市勞苦  
 益 行役未已新事復起姬姜勞苦不得休止  
 夬 向日揚光火為正王消金厭兵雷車避藏陰  
 雨不行民定其鄉

姤 放銜垂轡奔馬不制棄法作奸君失其位  
 萃 司命不遊喜解我憂皇母緩帶嬰兒笑喜  
 升 黃帝出遊駕龍乘馬東上泰山南過齊魯郡  
 國咸喜

困 既往不說憂來禍結北戶為患無所申冤

井 荷蕢隱居以避亂傾終身不仕遂其潔清  
 革 折挺春稷君不得食頭痒搔跟無益於疾  
 鼎 植根不固華葉落去使為枯樹  
 震 凶門生意牢戶多冤沙陲秃齒使我困窮  
 艮 登山履谷與虎相觸狷為功曹班奴奔北脫  
 之喜國

漸 麟鳳所翔國无咎殃賈市十倍復臨惠里  
 歸妹 路險道難水過我前進往不利回車復還  
 豐 延頸望邑思歸我室臺榭不成未得安息

旅 蒙生株瞿棘掛我鬚小人嫉妬使恩不遂  
 翼 南至隱域深潛處匿聰明閉塞與死為伍  
 兌 機餌設張計暴子良范叔不廉凶害及身  
 渙 從騎出谷遊戲苦域阪高不進利無所得  
 節 西國疆梁為虎作狼東吞齊楚并有其王  
 中孚 登山代輻虎在我側王孫無懼仁不見賊  
 小過 六目睽睽各欲有至後來未壯候待明日  
 既濟 道涉多阪牛馬蛇蠘車不利載請求不得  
 未濟 一口三舌相妨無益羣羊百牂不為威強

亡馬失駒家耗於時

解之第四十

解 駕言出遊鳥鬪車前更相捽滅兵馬且來回  
 車亟還可以無憂

乾 大都之居無物不具抱布貿絲所求必得  
 坤 膠著木連不出牢關家室相安  
 屯 孟伯食長懼其畏王賴四蒙五抱福歸房  
 蒙 朽輿瘦駟不任銜轡君子服之談何容易  
 需 許嫁既婚利福在身適惠生桓為我魯君

訟 入門大喜上堂見母妻子俱在兄弟饒有  
師 推車上山力不能任顛蹶蹉跌傷我中心  
比 鷹飛退去不食其雛禽尚如此何況人乎  
小畜 福棄我走利不可得幽人利貞終無怨慝  
履 夫妻反目不能正室公云子南姬言還北並  
后正嫡二政亂國

泰 陽衰伏匿陰淫爲賊幸賴王孫遂至家國  
否 入水求玉不見和璞終日至暮勞無所得  
同人 鳴鸞四牡駕出行狩合格有獲獻公飲酒

大有 覆手齊犢易爲功力正月元日承平致福  
謙 三火起明雨滅其光高位疾顛驕恣誅傷  
豫 哀糗荷糧與利相逢高飛有得君子獲福  
隨 水土相得萬物蕃殖膏澤優渥君子有得  
蠱 道理和得人不相賊君子往之樂有利福  
臨 天孫帝子與日月處光榮於世福祿繁祉  
觀 部衣在位乘非其器折足覆餗毀傷我玉  
噬嗑 鷓飛中退舉事不遂且守仁德猶恐失墜  
賁 經棗聖冠意盈不厭桀紂迷惑讒佞傷賢使

國亂傾

剝 申酉退跌陰雨前作柯條花枝復泥不白

復 平正賤使至服苦事

无妄 釣魴河湄水泛無涯振衣徒歸上下昏迷

厲公經齊

大畜 胎養萌生始見兆形遭逢雷電椎角折頸

采蜜山頭終安不傾

頤 陽春枯槁夏多水潦霜雹俱作傷我禾黍年

歲困苦

大過 三耳六齒痛疾不已齟病蠹鐵墮落其宅

坎 失時無友嘉偶出走僇如喪狗

離 宣重微民歲樂年豐害國無咎君子安喜

咸 登几上車駕駟南遊合散從橫燕秦以強

恒 鳥集茂木心樂願得鳥鵲食穀張口受哺柔

順利貞感戴慈母

遯 啓蟄始生萬物美榮福祉未成市買無贏

大壯 驕胡火形造惡作凶無所能成還自滅身

一作草木黃落歲云暮矣唐攻高城大人失福

晉 異國他土出良駿馬去如奔畜害不能傷一作

避亡東走反入禍口  
制拾爪牙骨為灰土

明夷 恪敬競職心不作慝君明臣忠民賴其福

家人 三女求夫伺候山隅不見復關長思憂歎

睽 駕福乘喜東至嘉國戴慶南行離家室居

蹇 四姦為殘齊魯道難前驅執役戒守無患

損 下憂上煩蠹政為患歲饑無年

益 雞雉失雛常畏狐狸黃池要盟越國以昌

夬 堅冰黃鳥常哀悲愁不見米粒但觀蓬蒿數

驚鷲鳥為我心憂

姤 五銳鐵頤倉庫空虛市賈為盈與我為仇元本

有時不我與  
二利為作

萃 竊名盜位居非其家霜隕不實為陰所賊三

年失室

升 賊仁湯德天怒不福斬刈家社失其本城

困 萬物和生螫蟲振起益爵增福日受其喜

井 和氣所生物皆不朽聖賢居位國無凶咎

革 龍遊鳳舞歲樂民喜

鼎 鼎行窘步次伯方舍居安不懼姬妾何憂  
震 水深難遊霜寒難涉商伯失利旅人稽留  
艮 跛倚相隨日暮牛罷陵原徙傷失利亡雌  
漸 一牛九鎖更相牽攀案明如市不得東西請  
讞得報日中被刑

歸妹 春桃生花季女宜家受福孔多男爲邦君  
豐 雷鼓東行稼穡凋傷大夫執政君贊其明  
旅 季世君憂亂國淫遊殃禍立至民與以休  
巽 發輓温陽過雨宿房宜時布和無所不通

兌 水中大賈求利十千商人不至市空無有  
渙 春草萌生萬物敷榮陰陽和暢國樂無憂  
節 左眇右盲目視不明下民多孽君失其常  
中孚 悅以內安不利出門憂禍消除公孫何尤  
小過 冊書之信言不負語易我麟驥君子有德  
既濟 上政搖擾蟲螟並起害我嘉穀季歲無稷  
未濟 于旄旌旗執在載郊雖有寶玉無路致之  
損之第四十一

損 路多枳棘步刺我足不利旅客爲心作毒

乾 鯉鮪鮒鯽積福多魚資所無有富我窮家

坤 景星照堂麟遊鳳翔仁施大行頌聲作興仁

序無明失其寵光

豫之艮

屯 羊腸九縈相推梢前止須王孫迺能至天

蒙 四手共身莫適所國更相訪接動失事便

需 水流趨下逆至東來求我所有買鱸與鯉

益之

无妄

訟 春粟夏棗山鮮希有斗千萬石貴不可賤

否之

漸

師 旦往暮還相佑與聚無有凶患

比 大蛇當路使季畏懼湯火之災切直我膚賴

其天幸歸于室廬

屯之井

小畜 徒足去域亂入陳國有所畏避深藏邃匿

履 海為水宗聰明且聖百流歸得無有叛逆常

饒優足

泰 夏麥麩麩霜擊其芒疚君敗國使年大傷

泰之

賁

否 秋隼冬翔數被履霜雄犬夜鳴家憂不寧



同人 樂仁上德東鄰慕梁來安吾國  
大有 還憂除殃污泥上義下田爲江

謙 暗昧冥語傳相誑誤鬼魅所居誰知卧處  
豫 南歷玉山東入玉關登上福堂飲萬歲漿  
隨 比目四翼來安我國福善上堂與我同牀  
蠱 乘牛逐驥日暮不至路宿多畏亡其駢騅  
臨 元吉無咎安寧不殆

觀 奮翅鼓翼翱翔外國逍遙徙倚來歸温室  
噬嗑 河伯娶婦東山氏女新婚三日浮雲灑雨

露我管第萬邦蒙祐

賁 嬰兒求乳慈母歸子黃麴悅喜得其甘飽  
剝 貧鬼守門日破我盆毀罌傷瓶空虛無子  
復 名載重負損棄於野手無誰子但自勞苦  
无妄 雄狐綏綏登山崔嵬昭告顯功大福允興  
大畜 嬰兒駭笑未有所識狡童而爭亂我政事  
頤 十九同投爲雉所維獨得逃脫完全所虧  
大過 狐濟濡尾來揭得枳季姜懷悔鮑舍魚鱉  
坎 跋足息肩所忌不難金城銅郭以鐵爲關藩

屏周衛安全無患

離 戴堯扶禹從喬彭祖西過王母道路夷易無

敢難者 訟之家

咸 京庾積聚黍稷以極行者疾至可以厭飽

恒 良夫崑姬負理登臺昆季不扶衛輒走逃

遯 天之所予福祿常在不憂危殆

大壯 行觸天綱馬死車傷身無家賴困窮乏糧

晉 鉛刀切玉堅不可得盡我筋力胠胙為疾

明夷 穆逢百里使孟奮武將軍師戰敗於穀口

家人 有人追亡為言所匿不日而得

睽 府藏之富玉以振貸捕魚河海罟網多得

蹇 鴻飛遵陸公歸不復伯氏客宿

解 鳧過稻蘆甘樂麴翅雖驚不去田畷懷憂

益 兩師娶婦黃巖季子成禮既婚相呼而南膏

澤應時年豐大喜

夬 蓄積有餘糞土不居美哉輪奐出有高車

姤 重門擊柝介士守護終有他道雖驚不懼

萃 大都王市稠人多寶公孫宜賈資貨萬倍

升 秋隼冬翔數被嚴霜甲兵庭堂萬物不生  
 困 招禍致凶來螫我邦痛在手足不得安息  
 井 秦失其鹿高足先得勇夫慕義君子率服  
 革 山陵四塞遏我逕路欲前不得復還故處  
 鼎 一指食肉口無所得舌饒於腹

震 晨夜驚駭不知所止皇母相佑卒得安處  
 艮 擒狼所言語無成全設我白馬使乾口來  
 漸 呼精靈來魄生無憂疾病瘳愈解我患愁  
 歸妹 牧羊逐兔使魚捕鼠任非其人卒歲無功  
 不免辛苦

豐 堂祥上樓與福俱居帝姬治好國安無憂  
 旅 禹召諸神會稽南山執玉萬國天下康安  
 巽 太姒文母仍生聖子昌發受命為天下主  
 兌 兩目同室兔無誰告與狂相觸蒙我與惡  
 渙 桃雀竊脂巢於小枝動搖不安為風所吹心  
 寒悚惕常憂殆危

節 陽春長日萬物華實樂有利福

一作春陽盛  
長萬物成實

福利所鍾  
忻忻過日

中孚 鄰不顧我而望玉女身疾瘡癩誰肯媚者  
 小過 涸旱不雨澤竭無流魚鱉乾口皇天不憂  
 既濟 狼虎之鄉日爭凶訟受性貪饕不能容縱  
 未濟 陰住陽疾水離其室舟楫大作傷其黍稷  
 民饑於食亦病心腹

益之第四十二

益 文王四乳仁愛篤厚子畜十男無有天折  
 乾 下堂出門東西九山逢福值喜得其安閒  
 坤 城上有鳥自鳴破家招呼醜毒為國災患

屯 伯虎仲熊德義淵泓使布五穀陰陽順序  
 蒙 飲酒醉卧跳起爭鬪伯傷仲僵東家治喪  
 需 四目相視稍近同執日昝之後見吾伯姨  
 訟 隨時逐便不失利門靈獲得福富於封君  
 師 隴西冀北多見駿馬去如焱颺害不能傷  
 比 白龍黑虎起伏俱怒期戰盤空蚩尤敗走死  
 於魚首 同人之比 蒙之坎  
 小畜 鴻飛戾天避害紫淵雖有鋒門不能危身  
 履 平國不均夏氏作亂烏號竊發靈公隕命

泰 江漢上遊政逆民憂陰伐其陽雄者受殃

否 東家殺猪聞臭腥臊神怒不顧命絕衰國毫

社火燒宋公夷誅

同人 西誅不服恃強負力倍道趨敵師走敗覆

大有 一婦六夫擾亂不治張王季莊莫適為公

政道塞壅周君失邦

謙 配合相迎利之四瀆昏以為期明星煌煌欣

喜顛憚所言得當

豫 猿墜高木不踳手足握金懷玉還歸其室

蒙之

隨訟之艮  
否之臨

隨 卷領遁世仁德不害三聖攸同周國茂興

需之

震

蠱 去危脫厄安無怵惕上福喜堂見我喜悅

臨 帶季兒良時利權兵將師合戰敵不能當趙

魏以強

觀 鵠思其雄欲隨鳳東順理兩翼出自日中須

雷北邑復反其室

噬嗑 且如驚鹿不能定足室家分散各走鼠匿

且疑  
作懼

賁 甲乙丙丁俱歸我庭三丑六子入門見母

剝 躡華顛觀浮雲風不搖雨不薄心安吉患無

咎

復 德施流行利之四鄉雨師灑道風伯逐殃巡

狩封禪以告成功

无妄 水流趨下遂成東海求我所有買鱸與鯉

損之  
需

大畜 和氣相薄膏潤津澤生我嘉穀

頤 憂驚以除禍不成災安全以來

大過 堅冰黃鳥常哀悲愁不見甘粒但覩藜蒿

數驚螫鳥為我心憂

坎 翁翁鞫鞫實墜崩顛滅其令名長命不全泰

謙否  
之離

離 因禍受福喜盈其身

咸 陸居千里不見河海無有魚市

恒 鹿得美草嗚呼其友九族和睦不憂饑乏蓋

恒同人  
之蹇

遯 出門得堂不逢禍殃入戶自苦不見矛戟

大壯 累尊重席命我家客福祐久長不見咎殃

晉 鴻鴈俱飛北就魚池鱸鯉鮎鯉衆鳥饒有一

鳴獲兩得之過倍

明夷 當風奮翼與鳥飛北入我家國見吾慶室

家人 麒麟鳳凰善政得祥陰陽和調國無災殃

睽 逐狐東山水過我前深不可涉失其後便

蹇 丑戌亥子饑饉所生陰爲暴客水絕我食

解 狐狸雉兔畏我逃去分走竄匿不知處所

損 傑跖惡人使得不通炎旱爲殃年穀大傷

夬 兔乳立室行來雀食虎攫我子長號不已

姤 土階明堂禮讓益興雄雌相得使我無疾疾一

疾作

萃 送金出門并失玉兔往來井上破甕壞盆兔一

九作

升 諷德誦功美周盛隆加其旦輔夫濟冲人夫疑

大作

困 盜竊滅身二母不親王后無黨毀其寶靈

井 六日睽睽各欲有至專正未裝俟侍明日  
 革 雀行求粒誤入網罟賴仁君子復說歸室  
 鼎 仁德孔明患禍不傷期誓不至室人銜恤  
 震 龜厭江海陸行不止自今枯槁失其都市憂  
 悔咎生

艮 孤獨特處莫依為輔正心允濟神勞志苦  
 漸 伯仲言畱叔子云去誰云无咎主母大喜  
 歸妹 初憂不安後得笑懽雖懼無患  
 豐 好戰亡國師不以律稱上殞墜齊侯狼戾被

其災崇

旅 鹿生澤陂豺傷其麋淬血獨哀  
 巽 天地鈐塞仁智隱伏商旅不行利潤難得  
 兌 福德之士歡悅日喜夷吾相桓三歸為臣賞  
 流子孫

渙 上無飛鳥下無走獸擾亂未治民勞於事  
 節 月削日衰工夫下機宇宙滅明不見三光

觀

謙之

中孚 戴盆望天不見星辰顧小失大福逃墻外



小過 握斗運樞順天無憂所行造德與樂並居  
既濟 操戟刺魚披髮立憂虎脫我輿狼取我袍  
亡馬失財

未濟 兩人俱醉相與悖戾心乖不同爭訟匆匆  
夬之第四十三

夬 戴堯扶禹從喬彭祖西遇王母道路夷易無  
敢難者

乾 狼戾美謀無言不殊允厭帝心悅以獲佑  
坤 歲暮花落陽入陰室萬物伏匿絕不可得

屯 鷄鳴失時君騷於憂犬吠不休行者稽留

蒙 鳧鷖遊涇君子以寧履任不愆福祿來成  
需 薄為蕃皮勁風吹却欲上不得復歸其宅

訟 東人破車步入危家衡門垂倒無以為主賣  
袍續食糟糠不飽

師 青牛白咽呼我俱田歷山之下可以多耕歲  
精之節民人安寧

比 異國殊俗情不相得金木為仇百賊擅穀  
小畜 陰陽精液高熟脫折治卯成鬼肇生頭目

日有大吉

履 饑蟲作害多亂纏綿不可得秋

泰 清冷如雲爲兵導先民人寬急不知東西

否 班馬旋師以息勞疲役夫嘉喜入戶見妻

同人 坐爭立訟紛紛訕訕卒成禍亂靈及家公

大有 鹿食美草逍遙求飽趨走山間過期乃還

肥澤且厭

謙 田鼠野雉意尚欲去拘制籠檻不得搖動

豫 日趨月步周遍次舍歷險致遠無有難處

隨 天孫帝子與日月處光榮於世福祿祺祉

蠱 晨風文翰火舉就溫時過我邑羿無所得

臨 旦生夕死名曰嬰兒不可潛視

觀 疾貧望幸使伯南販開牢擇羊多得大牂

噬嗑 長城驪山生民大殘涉井發難唐叔爲患

賁 娶於姜呂駕迎新婦少齊在門夫子歡喜

剝 隨時草木灌時葉起扶疎條桃長大盛美華

浚鑿疎

復 姬姜悅歡二姓爲婚霜降合好西施在前

无妄 戴笠獨宿晝不見日勤勞無妄長勞悲思  
 大畜 始如元服二十繫室新婚既樂伯季有德  
 頤 二至靈臺文所止遊雲物備具長樂無憂  
 大過 久陰霖雨塗行泥潦商人休止市空無有  
 坎 城壞厭境數為齊病侵伐不休君臣擾憂上  
 下屈竭士民乏財

離 南國盛茂黍稷醴酒可以饗養樂我嘉祐  
 咸 憂在心腹內崩為疾禍起蕭牆意如制國  
 恒 朽根別樹花葉落去卒逢大焱隨風疆什

遯 樹表為壇相與笑言午中不會寵榮棄袂  
 大壯 四足俱走駑疲任後兩戰不勝敗於東楚  
 晉 執轡在朝回還故處麥秀傷心叔父無憂  
 明夷 夜長日短陰為陽賊萬物空枯藏於北陸  
 家人 鳴鳩七子均而不殆長大成就棄合如好  
 睽 三羊上山馳至大原黃龍負舟逐到夷陽宛  
 其玉囊

蹇 首足易處頭尾顛倒公為雌姬亂其蠶織  
 解 登高望家役事未休王事靡盬不得逍遙

損 畏昏不行候旦待明燎獵受福老賴其慶  
益 孤獨特處莫依無輔心勞志苦

姤 山石朽破消崩墜障上下離心君受其崇  
萃 文母聖子無疆壽考為天下主

升 倨傀如儀前後相違言如鶩咳語不可知  
困 五龍俱起強者敗走露我苗稼年歲大有

井 雷除善猛雖為功醫驥疲鹽車出於銜筭  
革 江南多蝮螫我手足冤煩詰屈痛徹心腹

鼎 心無可據射鹿不得多言少實語無成事  
震 君明臣賢民求具友顯德之政可以履立

艮 安土宜官一日九遷踰越羣等牧養常山  
漸 保辭解謝除去垢活驚之成患屢去酷殘

汚作

歸妹 不狂嫗育相牽北行欲歸高邑迷惑公得  
豐 醉卧道傍迷且失明不合我生

旅 北登鬼丘駕龍東遊王母御后文武何憂  
巽 恬淡無患遊戲道門與神來往長出以安

兌 以緡易綵抱布自媒棄禮怠惰卒罹悔憂

渙 被服衣冠遊戲道門以禮相終身無災患  
 節 天麓魚地陸為海涯君子失行小人相攜  
 中孚 淵泉溢出為邑之崇道路不通孩子心憤  
 小過 十里望烟散渙四分形體滅亡可入深淵  
 終不見君

既濟 傳言相談非好經路鳴鼓逐狼不知迹處  
 未濟 東失大珠西行棄襦時多不利使我後起

焦氏易林卷之三

終

